





LABYRINTHVS
MEDICORVM ERRANTIVM,
D. THEOPHRASTI PA-
RACELSI.

CVM ADIVNCTIS.



Ingenij quisquis Theophrasti filia sequutus,
Tutus ab insidijs est Labyrinthe tuis,

IN LAVDEM MEDICINÆ.

H. L. L.

Indidit humanis p̄eclaras mentibus artes,
Clara gubernator qui regit astra Deus.
Ut certis totum moderentur legibus orbem,
Atq; homines firma conditione iuuent.
Plurima uel referant p̄esentis commoda uite,
Nec non ut profint moribus usq; bonis.
P̄e reliquis diuina tamen Medicina putanda est,
Quæ morbis certum dat ratione modum.
Munere de cœlo missa est diuinitus orbi,
Hanc authore Deo credimus esse datam.
Namq; opibus ueluti corpus præstare uidetur,
Sic alias artes uincere sola potest.
Esse quid utilius, uel quid præstantius unquam,
Humano generi quam Medicina queat &
Hæc docet occultas rerum cognoscere causas,
Agri, quo medicare restituuntur ope.
Conseruat sanas solidas in corpore vires,
Nec tamen amissas non reparare potest.
Præscribit iusto conuictus ordine leges,
Qui prodesse solent, qui uel obesse cibi.
In pretio magnis erat undique regibus olim,
Qui Medicis etiam præmia magna dabant,
Ergo pijs ut doctis Medicis tribuantur honores,
Biblia sacra Deo sic statuente iubent,
Nec te iudicij moueat sententia prauis,
Sensaque inhumanis horridiora Getis,
Sed magis inde Deo toto dic pectore grates,
Qui medica morbis eripit artes suos.



Digitized by the Internet Archive
in 2011 with funding from
Duke University Libraries

<http://www.archive.org/details/labyrinthusmedic00para>

PRÆFATIO IN LABYRIN-
THVM MEDICORVM ERRANTIVM
DOCTORIS THEOPHRASTI
PARACELSI.



VIA error in qualibet re periculosus est, & is qui errat, iam huc iam illuc tendit, nusquam erroris terminum aut finem inuenit, nec quorsum deniq; pergat, scire potest, regritur & necesse est, ut ab alio educatur, qui uiam rectam exequendi cognoscatis, qui in errore est. Qui autem errare & deuiare incipit, ille quoque admonitore opus habet, ut sic periculum cauere discat. Sic olim medicinæ ars in errorem ducta est, in quo hactenus semper uersatur, & non ideo fallax & incerta quædam opinio, certa scientia dici meretur. Et quare de scientia ac opinione sermo incidit, dicendum puto, quod scire & intelligere, est rem uere perspectam ac cognitam habere, eiusq; recte scientiae, quemadmodum & ueritatis, simplex est ratio. Opinari autem siue errare & scire, dupliciter intelligitur. Quidam enim homines, posteaquam in errorem ac labyrinthum inciderunt, ita graviter errant, ut neq; monoculum illum centaurum, neq; exitum erroris inueniant, & isti errant suprēmo errore, ac supremo ignoranti laborant, quem admodum c. e. ci, qui planè certi nihil norint. Si igitur errantes, dum sepius ac diu querunt, nihil inueniunt, & dum gauiter laborant, parum proficiunt, tamen uoc ad finem labyrinthi perueniunt: sed iam ut in testudinis testa circum circa ambulant, mox iterum retibus quasi inextricabilibus inuoluti, sursum deorsum fese tollentes, ac exitum querentes, nihil inueniunt. Nam ibi querunt, ubi nihil est, palpant, quod nusquam est, & inueniunt quod non est. Quidam uero ingrediuntur labyrinthum, & eò usq; pergunt, donec ad centrum eius perueniant: ibi demum aspiciunt monoculum horrendum, qui Centaurus appellatur: cuius & imperio uel tyrannidi potius, statim subiiciuntur, & tunc penes monoculatum eiusq; scientiam, omne imperium ac summa rerum omnium est. Hi sic errantes plus aliquando uident, quam priores: non tamen plenè uident, sed monoculi solum. Gravis quidem & periculosus ualde error est, si ars erret: Et in sapientia errare pessimum est, ac nihil aliud quam in nocte ac tenebris uersari.

Iam autem negari non potest, quin si sic, ut diximus errant, multum interim experiantur: parant enim sibi experientiam, hinc illuc circumueundo, & dum sic

distina peregrinatione portam labyriathi pretereunt, coipsò plus doloris, plusq; iracundia sibi conciliant, quām illa uel longissima peregrinatione, quæ tenebris ac errore careret. Inueniunt etenim in tali labyrintho experimenta experimentorum & labyrinthūn labyrinthorum. Qualis enim dux, talis miles, qualis præceptor, talis discipulus, & qualis faber, talia plerunque sunt instrumenta, ac quicquid sub minotauro illo monoculo est, cæcum est. Conuenit enim ut rex oculatior sit regno: & quia rex monocularis parum uidet, necesse est regnum planè obiectatum ac inutile esse. Si autem uersantes in labyrintho cæci sunt, erunt procul dubio & studia eorum cæca, erit institutio, doctrina, speculatio, sapientia, praxis, ac omnis denique operatio cæca. Qui enim ingressus est labyrinthum, monocularis uel plane cæcus ingressus est: qui autem nec per se uidet, nec alio uiam monstrante, pergit, necesse est eum totum errare & obiectatum esse. Quod si etiam contingat, ut monoculo illi pares efficiantur, in errore tamen sunt, quia monoculi auxilio nihil quicquam subleuantur, cum is uix se tueri & sibi satis uno oculo prospicere queat. Videns enim uno in latere, in altero cæcus sit oportet, quia altero ex latere oculo caret.

His sic præmissis, quām pericolosum sit in artibus ac scientijs errare, quāq; incommodum ijs, qui sic errare dicuntur, & nunquam ab eiusmodi laqueis se extricare queunt, quilibet facile agnoscit.

Quod ad Medicinam attinet, Iudei olim summè gloriati sunt, & adhuc gloriantur, nec mendaciorum eos pudet, se uetusissimos ac primos Medicos esse, iactant. Et sunt quidem inter omnes alias nationes principes, nebulonum scilicet. Quæ enim est eorum quæso Medicina? quæ morborum curatio, quidam agunt egregie ac laude dignum? Parum quidem re ipsa, quod bonum sit, præstant, nisi quod fallendo, decipiendo ac mentiendo multum pollut, si id bonum dici meretur. Deum ipsum ac Filium ipsius unigenitum auersati sunt, nec cognoverunt, & naturæ operationes uiresq; cognoscere? Deus ex manibus ipsorum Medicinam eripuit sustulitq; ipsos & illorum genus in infinitum damnans abiiciensq; simul & illis maledicens, qui Iudeos tuentur: quiq; negotijs illorum se intromiscent, & tamen Medicine ullam laudem sibi arrogabunt, absit. Nam si quid possunt Iudei circa Medicinam, id non à suis hereditario acceperunt, sed ab alijs, & peregrinis quasi furto substraxerunt.

Non enim ad Medicinam nati, non in ea educati sunt. Imò uocatio istoram à mundi primordio fuit expectare Deum Messiam, ipsum colere ac obseruare, & quicquid

P R A E F A T I O.

quicquid ultra, hoc contisunt, alienum quiddam ac adulterinum fuit. Ethnicis autem Medicina data est, & Ethnicos tanquam uetustiores Medicos merito ex hoc ueneramur ac magnificamus.

Sic igitur res se habet: Græci primi omnium in Medicinam se immiscuerunt, & magna in ea aggressi sunt, plurimas ob causas, præsertim tamen necessitate ur gente: mendacijs tamen ita eam confuscarunt, quod & Arabes, & cæteræ deinceps nationes usæ fuerunt à mendacijs ac mendis eam vindicare, & quam id fœliciter fecerint, patet. Certe quo maiore astutia hac in re agitur, eò citius erratur, & quo quis diutius se macerat in inueniendo, cò inuenit minus. Non enim ratio hominis hanc artem nobis largitur, sed ab eo petenda est, in cuius manu ac potestate sita est.

Postremo quoq; & ultimo accesserunt quidam ad corrigendam hanc artem, & metam ei certam imponendam, quò à barbarie & incertitudine semel liberaretur: & isti postremi optimi fuerunt. Primi quidem pauca inuenerunt, ad ultimos res redijt, quorum iam officium est, inuenta augere & usu confirmare, ac quasi exiguis riuiulis scatentes fontes, in magna flumina dilatare.

Quapropter, ut Medicinæ error ac labyrinthus notior fiat, proposui hoc opere rectam Bibliothecam ac libros indicare, ex quibus libris errores cognoscantur, tenebræ intelligantur, & sic ingressus fiat non ad Minotaurum monoculum,

Sed ad illum potentem ac æternum, habentem in una deitate plures oculos,
qui lux est & uia, quiq; incidentes secum beat. Beati deinde
sine tenebris ambulant, nec frangunt cordibus
corum inuenitur,

Theophrastus

THEOPHRASTVS PARACELSVS LECTORI S A L V T E M.



V O N I A M id à quibusdam uitij mihi obijicitur,
quod is ego sim, qui illotis manibus ac ui quasi ad Medicinam prosiliam, nec per ianuam ac rectam uiam ad eam ingrediar, excusatione mihi in hoc opus est, humannissimi lectors, & aduersus istos nugatores ac nihil homines, responsione. Primo igitur respondebo illis. Quæro: quæ nam sit porta, quæ uia, quisue modus rectus introeundi ac perueniendi ad Medicinam? Num Auicenna, num Galenus, Mæsue, Rasis, an uero iphius naturæ lumen? En adsunt duæ ingrediundi uiae: altera est per libros prædictorum Medicorum, altera per naturam. Meritò igitur iam hic quæritur inter istas, quæ sit melior uia ad Medicinam. Et rectius considerando apparet, lumen naturæ rectam uiam ac ianuam esse, per quam quis ingrediatur ad eam, & alia ianua, ingredi, est per tectum uel fenestram descendere. Non enim conueniunt inter se istæ uiae, Quare aliud est lumen naturæ, aliud sunt codices scribentium, Item aliud est lumen Apothecariorum, aliud lumen naturæ: & sic, quia inter se non conueniunt, (in altero tamen istorum necesse est rectam uiam esse sitam) Iudico istam certiorem esse uiam, & istum Medicinæ rectum librum, quem Deus ipse omnipotens nobis dedit, quem ipse compositus, dictauit ac scripsit. Cæteri autem libri, quibus hominum consilia, somnia ac opiniones traduntur, tantum ualent quantum ualere possunt, nec enim eiusmodi opinionibus naturæ ac ueritati quicquam detrahitur. Et hæc est, optimi lectores, firma illa ac perfecta scientia, scire scilicet, quod ex uno solummodo fonte ois Medicinæ ars originem dicit, à Deo nempe. Si igitur à Deo est artis origo, sequitur quod & fun-

P R A E F A T I O.

& fundamenta ac principia istius ex Deo pendeant, & à Deo nobis
affatim tribuantur.

Quomodo igitur talia principia à Deo discimus? Hoc Deus
ipse ostendit, dicens: Medicinam ego mirabiliter creaui, quasi dice-
ret, in libros conscripsi, ibi quærите, ibi legite, & inuenietis ac cog-
noscetis. Sapiens igitur uir à Medicina abhorret nunquam, sed
quæreret potius, ac inuestigabit eam, si modo uerè sapiens fit. Is enim
qui ab operibus ac creatura Dei abhorret, uerè sapiens dici non po-
test, & sic qui Medicinam contemnit, eius sapientia à Deo minime
est, nec in eo Medicina inuenitur. Vbicunque enim Dei sapientia
non est, ibi nec Deus est, à quo illa proficiscitur.

Si itaq; quis ad Medicinæ scientiam aspirat, ille primo & ante
omnia ibi eam quærat, ubi est, ut rectam & ueram Medicinam sic
amplectatur, nec propriam sibi suis fantasjs ac speculationibus fin-
gat. Non est enim Rhetorica, non Grammatica, nec de orationis
partibus, sed de longè grauiore re agitur. Inde igitur eam pete, ubi
descripta est, & non impinges nec errabis. Considerare licebit om-
nes omnium scribentium libros & uolumina, euoluere omnium do-
ctorum, qui unquam fuerunt, scripta, certe uidemus ista quæ cum
naturæ lumine concordant, firma esse ac efficacia ualde: Quæ autem
contra naturæ lumen uel suscipiuntur uelfiunt, ea omnia nihil esse
nisi merum labyrinthum, in quo nec ingressus nec egressus certus
est. Multi quidem sunt, qui se uera & ex naturæ lumine scripsisse, sibi
persuadent, sed falso. Habet enim quiddam in principio certi: citius
tamen à ueritate deuiant, quæm decet, & quod habent ueri, id arbi-
tror mutuo eos accepisse, ab his qui uerè sapientes erant, & deinde
suis erroribus conspurcasse ac oppressisse: & sic inuenierunt uelin
ipso labyrintho margaritam, quæ neglecta & ante porcos proiecta
fuerat. Sic igitur, optimi lectors, in Medicinæ studio legite, ut op-
timos libros principis medicorum perlegatis, in quibus certa Me-
dicina est, Solus enim is Medicus Deus, ut puto, illuminat, medici-
nam ministrat, sine quo nihil perfectum esse potest.

CAPVT PRIMVM DE PRIMO AC PRINCIPALIO.

ri Medicinæ libro, ex quo quilibet Medicus artem suam haurire debet, qui liber ex sola diuinitate proficiat,

PRIMVS ac principalis liber omnis Medicinæ, uocatur Sapientia, sine quo libro nemo unquam quicquam fructuosum ac laude dignum efficiet. Ea autem sapientia est scire, & non opinari, ut scilicet, quis uerè, perspicuè ac plane sine omni dubitatione aliquid cognoscat, quod deinceps non temere, non inconsulte, sed rationabiliter appositeq; eo utat. Ista autem sapientia debet esse perfecta, absq; stoliditate, absque errore & dubio. Imo recta uia, rectum fundamen-tum, recta intelligentia ac speculatio esse debet, quæ singula in sua specie ac natura acutissimè perpendat. In hoc libro est ueritas, & iusta omnipium rerum cognitio, qua cognitione cuncta reguntur, ducuntur ac perficiuntur. Is liber est Deus opt. max. Nam qui cuncta solus creauit, penè ipsum etiam solum est sapientia & intelligentia omnium rerum creatarum; per ipsum sapienter agimus in negotijs agendis: & sine illo nihil regi, nihil duci, nihil flecti aut perfici, ita ut debebat, potest: sine ipso quoq; quicquid est, mera fatuitas & merus error est. Nam quenadmodum Sollumen nobis omnibus præbet, suisq; radijs omnia perlucet, quæ aliàs luce carerent. Sic quoq; sapientia illa superne ad nos perueniat, nosq; illuminet, necesse est. Nam quid aliud est prudentia, nisi artis rectus usus; ut sci-licet, quilibet artem suam ac officium perfecte noscat, ac bene administret, quæ non nostris uiribus constat aut efficitur, quemadmo-dum nec lux, nec tenebrae, quemadmodum nec ætas nec hyems no-

stra opera efficiuntur. Et si enim Medicina naturalis scientia est, hoc est, quæ nobiscum in terra nascitur, uti & argentum uiuum, gnaiacum, & alię eiusmodi species, tamen necesse est, ut superne nobis demonstretur, & ut ex diuino libro eius scientiam nobis comparemus. Ex isto etenim libro oportet ut ante omnia discamus quid in Medicina sit, quomodo in ea sit, quomodo extra quasi effodiat, & quo pacto aegrotanti subueniatur, Corpus enim Medicina non est, terra quoq; Medicina non est, sed terra est: in corpore autem & in terra Medicina est, ibi occultatur ac latet, & ita quidem latet, ut neq; à terra cognoscitur, neq; à sanguine aut carne intelligitur: & ut breuiter dicam, nullis nostris uiribus cognoscitur. Quid igitur? Si non hominis Medicina est, nec tamen sanguine aut carne, nec humanis uiribus ullis apprehenditur, necesse est ex spiritu illam prorepere, qui in homine est, & is spiritus est ab eo, ad quem post obitum corporis iterum demigrat, isq; spiritus est discipulus Medicinæ.

Sic itaq; clare sequitur, quod prima institutio & inquisitio huius Medicinæ, quærere regnum Dei, Hic est ille thesaurus, haec schola, hoc fundamentum omnis sapientiæ in quolibet homine sapiente. Nam hoc libro perlepto, id est, regno Dei quæsito, omnia deinceps nobis affatim ministrantur ac adjiciuntur. Si enim sedulo quærimus, fortiter pulsamus, suppliciter petimus, quid hoc regno Dei nobilius esse potest?

Terrestres quidem nos ac mortales sumus, nec quicquam in schola terrestri habemus, nisi imperitiam, stultitiam, errorisq; igitur admonemur, ut ad aliam scholam pergamus, ut aliud refugium sapientiæ quæramus, regnum scilicet Dei, in quo omnis sapientia abundat.

Hanc Euangeli sententiam Medicus iuste accusare aut culpare non potest, & hoc ipso dum cogitat, naturæ cum regno Dei nihil esse commune, & medicinæ apud sacra ista locum non esse, falso suspicantur, Nam à Deo prouenit, & à Deo datur. At dicet quis,

L A B Y R I N T H V S

Infideles & Ethnicos quosdam uidemus Medicos esse, qui regnum Dei non querunt: tamen interim nihilominus id quod habent, à Deo creduntur accepisse, sine quo nihil est. Spiritus enim ubi uult spirat, nullius est proprius, nulli seruit, huc illuc pro arbitrio suo agitur. Ab eo itaq; necesse est, ut Medicus sua principia sumat, nec quemadmodum Pseudomedici ubiq; mutabilis uenti instar oberrat. Quisquis enim ueritatem huius artis inquirere uelit, ille hic incipiat, & omnia deinde fæciliora sequentur. Si uero hoc principium neglexerint, eueniet, ut curiosissime laborans & grauiter studens, nunquam tamen ad terminum certum & finitum perueniat, nec ueritatem arripiat. Bene nos Paulus admonet, & docet, à quo quisque hominum suam prudentiam petere debeat, & quomodo eam inuenire queat. Si Medico ars desit, id est, si sapientiam adhuc desiderat, querat eam apud Deum. Iuxta Apostoli Iacobi doctrinam, qui dicit: Naturæ uires & arcana à Deo discere nemo abhorreat.

Sic itaq; haud inconueniens erit dicere, Deum librum primum esse Medicinæ. Quis enim melius nouit elaboratum, quam is qui elaborauit? quis melius effectum nouit, quam is qui fecit? aut à quo commodius quis discit, quam ab eo, qui perfectus sit suæ artis artifex? Cum igitur à Deo Medicina creata est, nemo certe melius eam nouit, quam ipse Deus creator, & ab ipso deniq; ad nos peruenit ac profuit, non aliter atq; ex Solis radijs calor prouenit, qui flores ac omnis generis grama producit. Num quid, quisquam habuit, quod à Deo non fuerit, quodue Deo non merito acceptum ferat? non certe arbitror. Is enim est, qui in sua manu tenet omnia, è cuius potestate, si quis quid eripere aut consequi uelit, orando id faciat oportet, querendo & pulsando, & hæc est uia ad scholam: nam ui & uiolentia hac in parte nihil efficimus. Is enim qui nos orare, ac panem uictumq; petere iussit, iubet & alia maiora flagitare. Nec in pane etenim solo uita nostra consistit, sed & doctrina ac sapientia ex ore Dei proueniente. Et ea sapientia nos saturare debemus, non minus quam alijs cibis, simul & cogitare, cetero cibo uentrem

ad pusillum temporis saginari, hac autem animam ad eternam uitam muniri. Fulgebunt etenim olim in cœlo sapientes, non minus atq; Sol fulget inter stellas, hi dico sapientes, quorum à Deo sapientia est.

Sic quælibet perfectio ac quælibet artis absolutio à Deo est, qui nos iubet orare, pulsare & quærere, dicens : Quicquid petieritis in nomine meo, dabitur uobis : ex quo sequitur, nos non lapides, serpentes aut scorpiones pro pane accepturos esse, sed longe meliores. Et ita quilibet etiam naturalium rerum diligens indagator, sciat, hoc pacto naturalia addisci facile & recte posse. Hoc enim uerbum dum inquit: Discite à me omnes &c. necesse est ut impleatur & effectum habeat. Quicquid enim ab illo non discimus, id haud dubie absq; fundamento est, & à ueritate alienum erit, imo quicquid extra ipsius scholam sapimus, id nisi tenebræ, error ac mera cœcitas est. Sic enim secreta ac mysteria naturæ peruestigare poterimus, & sic magnalia Dei nobis nota fiunt ac manifestantur. Sic quoq; abscondita & occlusa in natura reserantur per illum, qui in natura ea abscondidit, & qui plurimum delectatur, quoties uidet nos sedulos ac industrios esse in inquirendo scripturam illam, per quam sic arcana manifestantur. Si uolatilibus cœli ac reptilibus in terra tam largiter necessaria ministrat benignissimus Deus, ministrabit haud dubie & nobis multo largius, qui ad effigiem ipsius creati sumus. Quid enim uel minima auicula habet, quod à Deo non acceperit? Si igitur nos istum librum, in quo omnis sapientia includitur, ex quo cuncta scientia profuit, non exacte ac bene perdidicerimus ac cognouerimus, sic accidet, ut sedulo studentes nihil proficiamus, & oculis apertis nihil uideamus.

Visum est itaque mihi, ut prius libros medicinæ ostenderem, quam ad Gallici morbi descriptionem accederem, & sic præponerem primum ac utilissimum librum, in quo omnia fundamenta ac principia comprehenduntur, in quo etiam discere incipiens finem inuenit, nec incertis ambagibus uariè circumagitatur. Sic namq;

L A B Y R I N T H V S

in ædes, id est, in Medicinæ artem, recta ianua ac uia patet, & sic re-
cte ingredimini: non per fenestras aut tectum descendimus, non tem-
tere irrumpimus, quemadmodum humoristæ facere consue-
runt, qui ultro absque omni ordine in Medicinam se præcipitant,
nec hunc librum prius exquirunt: querunt enim primo thesaurum
illum, quem tinea ac rubigo facile corrumpunt, & sic quoq; præmi-
um laboris ac uirtutis suæ deniq; accipiunt, errorem scilicet. Nam
quod quisque quærerit, inuenit, & ubi quis thesaurum habet reposi-
tum, ibi & cor eius alligatum esse oportet. Sicq; magno conamine
incident in Pauli sententiam, dicentis: Nihil aliud agunt quam
quod discunt, nec tamen possunt inuestigare artem ueritatis. Quæ
sententia loquitur de his, qui prius terrestre regnum, non Dei reg-
num quærunt.

S E C V N D V M C A P V T , D E S E- cundo libro Medicinæ, ex quo Medicus dicit quid sit firmamentum.



E M I N I & hoc mirum uideri debet, quod hoc loco
libros scriptos, chartaceos, non in medium produco;
nec in istos lectorem duco, ut inde principia Medicæ
artis hauriant, huius enim causa, ut necessaria ac ma-
gna est, ita quoq; præoculis ac in promptu est.

Conscribunt passim multi, ut uideamus libros, tum boni tum
mali, tam docti quam indocti, & mali sèpius scribentes, multa mix-
tim, ac sine deleitu accumulant, ut sic malis suis, bona quæ sunt, con-
taminent ac conspurcent. Deinde sèpe occasione data, mala extol-
lunt, laudant, bonaq; pro uiribus opprimunt, & sic uarijs modis
uentos concitant, ut legentes in fluctuosis undis semper retineant,
nec unquam in tranquillo mari nauigare eos sinunt. Et ita quilibet
alienis plumis formosus esse, ac nomen sibi parare cupit: igitur no-
ui ali-

M E D I C O R V M.

ui aliiquid effingunt ac comminiscuntur quocunq; pacto possunt,
taliumq; scribentium opera, uel delitijs potius, Medicina plane cor-
rupta est ac prophanata.

Non igitur istis libris fidendum est multum. Nam et si nonnun-
quam experimenta quædam admixta habent, ea tamen ita apud ip-
sos authores sunt, ut quasi incerta, & postea alijs nugis magis ac
magis obscurata, ut omnino incerta reddita uideantur, ita etiam,
ut eiusmodi erroribus ipsi nugarum authores, deniq; falsi sunt ac
decepti, & ex librorum ipsorum stylo etiam appareat, magnam sim-
plicitatem mixtam cum inscitia, in medicina fuisse.

Sciendum igitur alios libros esse, ex quibus recta fundamenta
Medicinae sumuntur, præter quos, omnes alijs & libri, & scriptæ li-
teræ sunt mortuæ & inutiles, quare citius mortem decumbenti,
quæ in uitam afferunt. Alter igitur uel secundus liber Medicinae, est
liber de firmamento, qui iusto ordine post primum librum ponit &
disci debet. Nam quemadmodum supra diximus, si in primis reg-
num Dei quæsierimus, adiacentur nobis alia absque dubio, & sic
post istum, hic quoque liber subiicitur ab illo, qui in naturæ lumine
uiuit spiratq;.

Quemadmodum autem in scripto aliquo libro, literis depin-
gi ac scribi potest, integra quædam ars & absoluta doctrina, quam
deinde quilibet ex isto cognoscere legendō potest: Sic in firmamen-
to quoq; talis reperitur liber, qui nobis uirtutem efficaciamq; fir-
mamenti abunde exhibet, ac docet. Nec hoc tamen dico, quasi ab
Alphabete originem huius libri ducerem, minime. Nam hoc, quod
Alphabeti literis comprehenditur, extrinsecus ad literas eas ap-
plicatur. In firmamento autem ipse liber, & res descripta in libro,
unū sunt origine & ordine, ut exempli causa: Arbor aliqua in hor-
to crescens, fructumq; ferens, per se nihil nomen arboris exhibet,
etiam absque literis, & absq; ulla scriptura, nec necesse habet literis
pictis Alphabeti, imo uirtute sua satis declarat, quid sit, quid fructus
ferat, quæ uis, quæ operatio in illa sit, & quare sit, hæc q; omnia absq;
charta

L A B Y R I N T H V S

charta & papyro, absq; calamis & atramento. Sic quoq; liber firmamenti facere solet, per se nos docet, qualis sit, quid comprehendat, quæ uis ac uirtus &c. absque scripture, sed tamen ex hoc libro firmamenti non scripto, descenditur ad Alphabeticum librum scriptum.

Quia tamen aliter atque aliter de hoc homines uarijs in libris scriptis quærunt, accidit ut uel optime scriptis libris uix fides habenda sit, nisi prius ad hunc librum firmamenti, ueluti ad amussim redigantur, probenturq; sicuti aurum, sal, gemmæ & eiusmodi ad lydium lapidem probantur. Et qui hunc librum non diligenter perlegerit, non exacte perdidicerit, Medicus dici aut esse, nequam potest. Nam quemadmodum ex multis literis ac syllabis uocabula quis colligit, ex uocabulis definiq; sententiam integrum componit, qua aliquid certi indicatur: sic quoq; Medicus cogitur ex singularum stellarum enumeratione & consideratione certum quidam colligere, & certam sententiam componere. Item quemadmodum singula uocabula singulas significationes habent, nec tamen sententiam, in se perfectam continent, cum cæteris quoq; dictiōnibus adiungantur, quibus omnibus coniunctis perfecta oratio efficitur. Sic etiam stellæ copulentur necesse est, ut ex tali copulatione ac coniunctione multarum, certa quædam sententia & certus effetus firmamenti sumatur, id est, omnes firmamenti uirtutes caulasque coniungere debemus, quibus coniunctis, non aliter ac ex epistola scripta, & ultra centesimum lapidem missa, sententiam, ueritatem, ac animum scribentis, id est, firmamenti intentionem ac protestatem cognoscimus.

Posteaquam igitur de libro uel de epistola tali constat, tunc proximum erit Medico, ut nuncium siue tabellarium fidelem sibi eligat, cui literas deferendas tuto committat, & hoc proprie ad hunc secundum librum attinet, Liber quidem correctus ac minime mendosus est, neminem fallit, quia ab eo scriptus, qui fallere non potest, & qui etiam absq; chartis literas emittit, ut nos instruat. Nouit enim.

M E D I C O R V M .

uit enim is à principio, fore aliquando, ut Pseudomedici adueniant,
qui sinistro ac peruerso calamo libros scripturi sunt.

Hæc est uia studendi Medicinam, hic liber in medicas facultate
perlegendus, talis author, sic quoq; ab initio usque ad finem morbi
cognoscuntur. Et sic libro firmamenti inuento, quamuis deinde re-
quiritur ut in charta quoq; describatur, non tamen aliis est in ista
charta, seu membranis, quām quod umbra in pariete, aut quod ima-
go in speculo, quæ inditum sunt quidem corporis & formæ, nec
tamen perfectum corpus aut formam exhibent. Imo qui plene in-
strui de corpore aut forma uelit, necesse habet, ut ultra umbram ip-
sam personam inspiciat, & ultra speculi imaginem ipsum hominem
bene compleetur: quo facto, iam plene cognoscit, iam plene uidet,
ac iudicat, nec amplius uel umbra uel speculo indiget, dum uiuam
formam oculis intuetur. Sic libri Medicinæ scripti, non sunt per-
fecti, ut scripti, sed uti per se, ac in se, perfecti & absoluti sunt. Sicut
& arbor, cum describitur, eò usq; describitur, quo usq; forma eius
quantitasq; externe appareat, oculisq; subiecta sit. Interiora autem,
scilicet, qualitas ac uirtus arboris, quæ est ipsa arbor, nunquam re-
ete aut plene depingitur, quare in arbore ipsa est, & in ea manet,
nec penitus describi potest. Item, sicut ea quibus uesciuntur propriæ
cibus ac nutrimentum non sunt priusquam sanguis fiant: postea
quam autem in sanguinem conuersa fuerint, tunc cibi nomen me-
rentur, quia tunc cibant ac nutriunt corpus: illud autem quod san-
guis non est, uere cibus non est. Et si distinguere nos uerum à ficto,
certum ab incerto, proprium à minus proprio oportet, ne umbrā
pro corpore, speculum pro forma, arboris externam descriptio-
nem pro ipsa arbore accipiamus.

Ethoc circa Medicinæ libros, animaduertendum summopere
erat, ne scriptis libris plus quām ueris nitamur, neue incertos pro
certis amplectamur, cuiusmodi & liber firmamenti, Ridiculum sanè
admodum est, & plusquām ridiculum adeo delirare nostro tempore
homines Medicos, adeoq; obcæcatos esse, ut adulterinos libros pro

L A B Y R I N T H V S

ueris amare uelint, in quibus tamen & sumptus, & tempus, & oleum
atq; operam (ut dicitur) inutili perdunt, unde, quia syllabæ ac uocabula mortua sunt, uiuam sententiam elicere nequeunt, & hoc in curando ac curatione eorum appetet. Nec interim considerant, si quis libros, in quibus ipsi uersantur uti falsos & adulterinos incertosq; accusaret, quod illos ueros esse probare aliter non possent, nisi ex scriptura, & sic non defendere facultatem cui student, nisi dicens sic scriptum legimus &c. Vera autem alicuius libri probatio ac consideratio sit respectiue, respiciendo, scilicet, ad eum, à quo liber, ut puta Euangeliorum liber à Christo, quia ex ipso, naturalis liber à natura, & cum natura probatur, quia à natura prouenit. Cum igitur naturalis liber firmamenti ignoratur & occultus est, quomodo per speculum ac umbram, id est, in charta depictis literis discitur uel probat, cum hoc non intelligimus, unde iste liber procedat? Quem quæso alium librum optabit sibi faber lignarius in ædificando, nisi lignum ac securim? quem librum lapicida desiderat, nisi lapides, malleum ac cementum? & quem librum habebit homo Medicus meliorem quam illum ipsum, qui homines ægrotare & reualescere facit? Necesse quidem est omnino, ut intelligentia & artes ex eo manant profluantq;, in quo primo fuerunt, & adhuc sunt, & deinde propter illud quod certum est, conceditur, uel in speculo imaginem, uel in pariete umbram tuto aspicere, cum ante corpus ipsum cognitum habeamus. Corpus est ipse liber: huc igitur Medicus pergent, huc properent ac anhelent, secundum id quod Christus ait: Vbi cadauer, ibi congregantur aquilæ, nam ubi recta Medicina, ibi recti Medici merito adcurrunt, ac officium suum exercent. Si ita est, ut quodlibet animal cadauer sibi aptum quærat, & ab isto cibum petat, satureturq;, consequens est, ut firmamentum liber iste sit, uel pratum, ubi cadauer nutrimentum nostrum reconditur, lumen scilicet, naturæ, & ubi scientia uel naturæ lumen, ibi artifices, ibi appetentes scientiam congregabuntur. Sic itaq; Medicina & aliae artes in corpore sunt, & istius corporis pars est firmamentum, merito

rito igitur Medici accurunt, ut inde Medicinam discant. Et hoc modo intelligi debet hic secundus liber : Non enim sat est, nec decet, dubia quædam & quavis arundine mutabiliora amplecti, imo fontem ipsum, ac recta fundamenta quererere debemus, ad ipsa recta principia confugiendum nobis est, quemadmodum ad cadauera sibi aduolandum aquilæ putant. Quilibet igitur sic secum statuat, se rectam & indubitatem scientiam sequi uelle, quod cum cogitat, conetur pedibus manibusq; istam scientiam ex certo fundamento eruere, & sic ex certo cadauere cibum petere.

T E R T I V M C A P V T , D E T E R - tio libro Medicinæ, cuius corpus in Ele- mentis est.

VLTRA prædicta, requiritur ac necesse est, ut Medicus cognoscat ægritudines, morbos, ac è contra, uale-tudinem, quatuor elementorum. Magna enim homini cum elementis est cognatio ac affinitas, & maior qui-dem necessitudo ea est, quæ inter uirum & uxorem est, idq; propter concordiam unitatis ac coniunctionis, quæ elementis est cum hominibus, & discordiam, quæ inter uirum & uxorem reperitur. Quia igitur una sanitas, unaq; infirmitas, & plane similitudo est in utrïque, animaduertendum est diligenter, quænam ista proprietas sit in elementis, quo cognito, etiam hominis proprietas cognoscitur, quæcunq; enim mundi elementis sunt uel propria, uel contraria, eadem & hominum propria ac contra-ria sunt, cui est cum elementis eadem proprietas, & eadem actio. Quemadmodum enim ex terra arbores aluntur, succum ac uim suam bibunt, sic & homines ex elementis : & quemadmodum uidemus ex terra flosculos, ac uarias omnis generis herbas nasci : ex aqua mineralia, ex chao rorem ac pruinnam, ex igne Metheoricas im-

L A B Y R I N T H V S

pressiones prouenire. Sic quoq; in homine ista quatuor elementa essentialiter hærent, simul & eorum effectus, species: ac uariæ generationes. Si quis igitur hæc quatuor elementa externa non bene didicerit aut intellexerit, tanquam librum necessarium, in quo Philosophicus Medicus uersari ac discere debet: & ex quo firmare ac fundare suam Philosophiam potest (quemadmodum ex libro Astronomiæ Astronomicus Medicus se fundat) quid quæso ille circa interiora elementa, id est, circa hominis naturam cognoscet? Homo etenim est corpus physicum, elementa autem sunt corpora limi, & physicum corpus oritur ex limo, & ideo sibi reseruat substantiam limi, quemadmodum filius patris sui essentiam sanguine ac carne representat, ut fieri uidemus. Sciendum itaq; quia elementa mater sunt physici corporis, omniumq; adeo ex terra nascentium mineralium ac impressionum: & sic ex ipsis, ac per ipsa, mala bonaq; permixtum crescunt, sana ac nocua, pura ac impura, spinæ ac rosæ, aurum ac lutum, fulgura & ros, manna nebulae q; generantur, quod idem in hominis corpore sic fieri solet. Nam in homine eadem est uis producendi tribulos quam lilia, tam argentum uiuum quam auripigmentum, & sic de cæteris, ex quibus deinceps procedunt omnes istæ procreationes, quales sunt morbi & ægritudines hominum.

Has procreationes omnes, Medicus cognitas ac compertas habere debet, nec tamen ex physico discere debet corpore primum sed ex limi corpore prius, deinde ex physico discere debet: ut sic corpus limi, primo nobis literas syllabasq; declaret, deinde uocabula, postea orationem componat, ex qua sententia integra colligatur: ut si ostendatur, quid Sphera terræ in corpore physico, quid cardia- ca physica in corpore limi sit, & sic de cæteris omnibus.

Hoc tamen omnibus modis ita fiat, ut corpus limi præcedat corpus physicum, & tali ordine, istis duobus coniunctis, textus & glossa simul procedant. Hoc Medicus scire debet, & quemadmodum de corpore nostro certi sumus, item quemadmodum certo ac uere scimus,

M E D I C O R V M.

scimus, omnes capitum nostrorum crines apud Deum numeratos esse, sic istae generationes apud Medicum numeratae quasi esse debent.

in sal, sulphur et mercurium.

Elementorum autem quodlibet in tres partes diuiditur, ita tamen quod istae partes mixtae sunt in omnibus elementis, unius speciei, unius formae ac coloris, scilicet in sal quod est balsamum, in resinem, quae alio nomine sulphur dicitur, & in liquorem, qui alias cotoronum appellatur. Ex his tribus partibus omnia proueniunt, tam procreationes elementorum corporis limi, quam procreationes elementorum corporis physici, ex his quoq; quælibet corpora insciuntur ac tanguntur, nec in ullo elemento, aut corpore, plures nisi haec tres inueniuntur. Et ex his sunt metalla, mineralia, lapides, ligna, herbae, & alia omnia vegetabilia, siue ea sensibilia sint, siue non sensibilia. Est tamen in hoc etiam differentia, quia alio modo metalla sunt, alio caro ac sanguis, alio etiam ligna ac lapides &c. Quamuis propriè Medicus hoc non respicit, sed interiora potius, ut subiectum suum considerat, quæ ex elementis nascuntur. Porro etiam sciendum, quod istae, quatuor matres elementorum sua qualitate ac proprietate, aliquid gignunt in homine. Terra enim suas species producit: aqua suas species: ignis & chaos suas species. Imò in hoc etiam cognoscitur, ac uidetur, quod ex terra flamula ac mandragora crescunt, quæ tamen inter se contrariae naturæ sunt, quamuis ex una matre natæ. Sic quoq; in homine ægritudines nascuntur ex elementis, non tamen ita intelligendo, quod ex terra solummodo frigidi ac siccii morbi, ex aqua frigidi ac humidi nascantur, & sic de cæteris elementis, ut quodlibet elementum similes morbos efficeret. Imò etiam contra naturam genitricem, hæc saepius gignuntur. Non enim elementa complexione habent, & quamuis complexiones ex ipsis proueniunt, non tamen in ipsis complexio est, sed in temperamento est, & illud temperamentum comprehendit omnes complexiones, omnesq; gradus, qui unquam hactenus omnes numerati sunt a quoq; nec in algorismum etiam peruenere, sed

C in in ipsis

L A B Y R I N T H V S

in ipsis adhuc iacent, & sunt in ipsis potentialiter, quemadmodum lignum nondum fabricatum, id enim omnes formas in se comprehendit potentialiter: uel enim imaginem in eo sculpere licebit, & ad aliam formam redigere, quia in potentia sua quamlibet formam à principio retinet, donec actu accedente certa forma ex eo eliciatur. Sic quoq; de elementorum corporibus dicitur, quod complexiones dant, nec tamen ipsas in se habent. Et hoc Medicus omnibus modis animaduertat, præsertim hanc ob causam, ne forte qualitates & humores matres esse putent. Nam elementa ipsa sunt mater, & eorum procreationes sunt species, non autem humores, ne forsan in hoc erretur, dicendo: Cuius humoris hoc? Respondebo: Colericæ, imo calidæ potius sectæ uidendum est. Nam nec colera, quatuor columnarum una est, sed secundum omnium ueterum sententiam morbus est. Item dicendo: Cuius qualitatis? non bene respondebitur: Sanguineæ, quia sanguis quoq; non est ex quatuor columnis, sed potius corpus est uenarum, nam quod uinum in dolio, id sanguis in uenis est. Item quærendo: Cuius naturæ? non appositè respondebitur: Flegmaticæ, quia cum flegma sit excrementum nasi, quid ad uentrem? Interrogando autem, Cuius elementi? Respondemus: Terræ, aquæ, ignis, aut aëris &c. Et si responsum constat ex quo elemento morbus sit, ut ex igne, non ex colera, ex terra, non melancholia, ex aqua, non flegma, ex aëre, non sanguine. Non enim dicendum est, hoc est melancholicum, cum neq; celo, neq; terræ quicquam de melancholia constat. Neq; dicendum, hoc colera est, hoc flegma, hoc sanguis &c. quia natura ipsa in suo processu ac ordine, nihil de his scit, nec cogitat.

Posteaquam hoc modo, Medicus elementa cognouerit, tunc in generatis omnia morborum genera inuenit, quoscumq; homines patiuntur. Nam qualis flammula est, talis etiam est morbus flammulæ. Quid hic quæso opus multos libros euoluere, aut quid opus diutius circumcurrere ac quærere, num ex uesica, num ex alia re morbus fiat? Nam si recte nosti unde limus palustris ueniat, unde urtica,

M E D I C O R V M.

urtica, unde melones, unde plumosum, tunc facile nosces, unde morbus ipsius, & species ipsius siet. Vbi igitur hic cholera, ubi adusta melancholia tua manet? Ex generatis & procreatis, ex filiis ac filiabus elementorum, discere debes, physicum corpus in suis morbis cognoscere, discernere, iudicare: speciem in specie, materiam ex materia, hominem ex elementis, & quales morbos generata secū ad ferant, & qui in exterioribus his generantur. Hæc Medicus discat, & in his sece exerceat. Nam in hoc libro elementorum inueniet hominem ad naturæ effigiem depictum, haud in chartaceis Medicorum uoluminibus, quæ ex elementorum libro non descripta sunt. Nemo certe recte librum aut textum componere potest, sed hoc officium naturæ relinquitur. Ipsa enim textum componit, Medicus autem deinde glossam ad istum textum prædiligentia sua effingere potest. Vide igitur tu iam, quām bene quadret, ac conueniat glossa tua cum textu elementorum, non aliter nempe, quām cum furture sal conuenit. Tales itaq; esse debent descriptiones tuæ, quales in elementis esse uides, Quodlibet scilicet corpus secundum naturam ac proprietatem suam describendo, & sic quemadmodum magnalia Dei, bene ornata, ordinata, ac egregiè depicta sunt. Hoc enim ipsum quod ligna putrescere facit, idem & hominem putrescere cogit, & ex qua causa in hominis corpore uermes nascuntur, ex eadem & in obsonio crescere solent. Sic itaq; ad scholam istam perueniendum est, in qua Medicinam discimus uerè, non fictè, ubi ueritas ac certitudo est, non ambages, non laruæ aut fallaciae.

Q V A R T V M C A P V T , D E L I - bro Physico, ex quo Physicum corpus in mycro- cosmo cognoscimus: & est liber Ana- thomiae maioris,

Posteaquam

LABYRINTHVS



O S T E A Q V A M ex tertio libro compertum est Medico, quomodo integra elementa in seipsis crea ta sunt, sequitur, ut quoque sciat, quod duplices species corporum in unico corpore physico reperiantur. Et deinde oportet, ut istam machinam totius mundi, etiam in homine inueniat: & hoc traditur in quarto libro: Docet enim neque minus neque plus in physico hoc corpore esse debere, quām in mundi machina. Quoties enim aliàs uidemus uarias ac multiplices rerum spesies esse: ut lignorum, lapidum, herbarum &c. semper cogitandum est, eiusmodi quoque in homine spesies esse, alia tamen forma quām in elementis: Apparet enim hoc in homine, uel circa morbos, uel etiam circa ualetu linem bonam. Aurum quod in elementis, est aurum, quod autem in homine aurum est, id naturalis confortatio est, ut infrà latius patebit, & sic de cæteris omnibus speciebus elementorum faciendo æquiparationem cum mycrocosmi speciebus. Si quis igitur ita nominare ac cognoscere potest spesies, quæ in physico corpore sunt, ut firmiter dicat, Hoc in homine Saphyrus est, hoc Mercurius, hoc Cupressus, hoc Flos cheyri, ille in physici corporis libro, fœliciter se elaborauisse, ac egregiè profecisse sciat. Et is qui sic istas, ut dixi, species, corporis bene cognoverit, ille haud immeritò Medicus & dici, & esse potest: Poterit enim facile inuenire theoreticam scientiam, quæ non debet esse speculativa, sed ex practica sumpta ac decerpta, & ex ipsis libris omnibus, de quibus hoc opere agimus. Practica enim nequam ex speculativa theoretica fluere debet, imo ipsa theoretica ex practica potius: & sic ista omnia, nil nisi practica sunt, de quibus hactenus tractauimus, & adhuc tractamus. Medicus itaque, si ad hunc modum concordantiam Anathomiae uniuscuiuscp fabricationis, machinæ mundi & physici corporis constituerit, polueritque, atque in omnibus ordinauerit, quodlibet tamen suo loco ponendo, tunc pulchre sequitur aliud morbum esse, qui in ossibus sit, aliud qui in carne, & aliud qui in sanguine &c. Quemadmodum alij uermiculi in lignis nascuntur, alij

M E D I C O R V M.

alij in herbis, alij in arborum folijs &c. Et in summa, quotquot sunt corporum species, tot etiam morborum genera sunt, hoc est, quodlibet corpus, æquè multas morborum species habet numero, quæ deinde sese diuidunt, hac ratione ac differentia, ut aliter in elementis, aliter in corpore hominis sunt, quo ad corporalitatem & substantiam, non autem quo ad proprietatem; nam quo ad illam, omnino id euenit, quod in elementis. Cuiusmodi enim est membrum, eiusmodi quoq; morbus est. Nam alij sunt uermiculi, qui in ossium medulla crescunt, alij qui in intestinis &c. & ex his rebus oriuntur causæ membrorum in hominibus. Hactenus creditum est, sed falso, quod unicus saltem, & idem sanguis in omnibus uenis corporis humani sit, & id eam ob causam, quia omnis sanguis æquè rubens, & quia dicitur: quod omnis sanguis sit calidus & humidus, quæ quidem sententia generalis est, nec tamen hoc probat. Nam quemadmodum aliae atq; aliae sunt species lignorum, sic quoq; uariæ species sanguinis. Dicet autem iam aliquis: Si in arbore & ligno comparatio facienda est, nonne arbor uel truncus arboris corpus est? iam autem ab illo trunko multi rami, quasi brachia ac uenæ extenduntur undiq;, qui tamen rami eiusdem sunt naturæ, qualitatis, uirtutis ac efficaciarum, ut illud etiam in fructibus apparet. Respondeat: Verum quidem hoc in una arbore, longe tamen aliud est, si aliam arborem ad hanc conferas, alios ramos iuxta hos perpendas, tunc nimirum, nisi fallor, apparebit, clareq; constabit, plures ac diuersos ramos in arboribus esse, quorum tamen quilibet in suo trunko haeret, & sic per consequens, quod uarius ac multiplex sit sanguis uenarum, quamvis in uno corpore: Sunt enim iam uenæ cypressi, uenæ baccarum, uenæ Rosmarini, & similium, igitur sanguis non manet in eadem qualitate, aut eiusdem naturæ. Hic certe rectus liber est, ex quo Anathomia sumi debet, ut nempe homo sciat elementorum ac mycrocosmi substantiam, & proprietatem inter se conferre & comparare, nec enim satis est, ut hominis corpus oculis saltem aspiciamus primo, deinde anathomisetur, intusq; cognoscatur, postea

D coquatur,

L A B Y R I N T H V S

coquatur, ac iterum inspiciatur. Nam ista omnia facere, eiusmodi penè quiddam est, ac si rusticus, ac planè idiota Psalmorum librum diligenter inspicerit, ac sedulo reueluerit, literas quidem ac picturas uidet, præterea autem, nihil fructus, aut utilitatis ex eo aufert. Igitur illa ipsa tum externa, tum interna corporis inspectio, non potest ut perfecta cognitio consistere: quod ut melius intelligatur, unico hoc exemplo, dilucide ac crassiore Minerua ostendam.

Quotquot per mundum sunt aquarum species, tot etiam in homine sanguinis species, quod ita intelligendum est, quando corpus physicum in suo elemento ponere uelimus, & deinde unicuique elemento suum corpus attribuere, tunc sanguis est elementum aquæ, non obstante quod sanguis sit calidus, aqua uero minus calida. Nam iste in sanguine calor, non semper à natura est, quemadmodum nec aqua à natura calida, incipit tamen nonnunquam externo calore, physico sole accedente, calescere, sicuti & terra ad solis æstum calescit, & sicuti ignis ea, quibus adhibetur, caleficit. Sic etenim ignis elementalis cætera elementa in homine caleficit ac incendit. Et ut diximus, sole feruente, terra calescit, sic quoque à Sole, qui in homine est, terra & aqua &c. in homine calescunt. Interim tamen natura istarum, terra scilicet, aquæ, in sua substantia manet, nec per hoc accidens frangitur.

Si autem colligendo: Mundus est calidus, igitur est calidæ naturæ, id minime sequitur, nam quædam in eo calida, quædam uero frigida esse possunt, ut abunde satis dictum est. Sic igitur uos omnia perpendiculariter, ut proponatis corpora elementorum per species, cuiuslibet elementi, deinde idem in physico corpore agite: nam idem de elementis cæli & corpore physico iuditium est.

Dicitur quoque quod summa essentia omnium ossium, quod idem falso dicitur. Nam quemadmodum in lignis uarias formas ac uarias species cognoscimus, sic in ossibus aliae atque aliae species, alia atque alia differentia est. Dicunt quidam, quod & uentorum sit una natura, nec hoc uerum, quia sicuti multiplices sunt causæ excitantes &

tes & efficientes uentos, sic quoq; uarię species, & multiplex eorum natura, sic quoque in homine multiplex colica est. Itaq; hic liber in physico corpore ad hunc modum bene diuiditur, ne à falsis definitionibus quorundam scriptorum, nobis imponatur, qui aliter atq; aliter de hoc atq; alio sentiunt, hoc tale, alterum aliud esse dicentes: quorum opera ac uolumina, si legantur, facile indicant, quod principia ac fundamenta eorum ex mera fantasia, & ociosa speculazione proficiscantur, quæ neq; ad Philosophiam, neq; ad Medicinam fœliciter addiscendam satis fundata sunt. Nec hoc omittendum puto: quod in discēdo Philosophus procedere debeat. Medicus autem sequi, id est, quamuis maior mundus præcedere debet, cum suo libro, sic tamen præcedat, ut statim, & è uestigio alter subsequatur. Maior enim mundus ordinari, distribui ac diuidi debet, non solum in generum species, sed etiam in loca, & alios omnes processus ordinesq; in Cosmographia ac Geographia comprehensos, & idem deinde similima ratione ac uia in physico corpore facieatidum. Non enim sat est, unam Cosmographiam, & unam Geographiam esse. Imo duplicates esse oportet, quemadmodum & mūndus duplex est, maior scilicet, & minor mundus, quorum mundorum substantia & uariae imagines formaeq; quas oculis intuemur, nihil nos morari aut perturbare debebant. Et sic optime dictum est: Vbi Philosophus desinit, ibi Medicus incipit, quod ita accidit.

Posteaquam Philosophus maiorem mundum plane cognouerit, tam in firmamento, quam in elementis, & omnibus generationibus ipsorum, tunc facile quoque cognoscet mundum minorem. Qui autem huius Philosophiae rudis est & imperitus, ille nunquam mycrocosmūm cognoscet, & sic quicquid de natura hominis uel scribit, uelloquitur, uel cogitat, non aliud in eo agit, nisi quod cribro aquam haurit, (ut dici solet) & quasi cæcus colores discernit ac iudicat. Opinatur solummodo, somniat, & sibi p̄si persuadet, se aureos montes in Hispania uidere, quos non uidet. Quæ igitur hoc libro à me traduntur, æqua ne sunt, an iniqua, uerane an falsa ipsim̄t

D ij iudicate,

L A B Y R I N T H V S

iudicate, discernite, rationem cum ueritate simul in consilium adhibete, reperiens certe meliora ac firmiora fundamenta, & plus ueritatis quam in ullo libro, ex calamo, & atramento nato, in quibus eiusmodi fundamenta ac eiusmodi demonstrationes uidemus esse, cuiusmodi istius, qui ex speculi imagine hominem se cognoscere putat, id enim agit, ut imaginem talem, qualem inspiciat, contempletur, ceterum quid in homine sit, quid in dorso secum gerat, signorat, imagine saltem contentus est, quam intuetur firmiter, quemadmodum uirtutibus quispiam nouum ædificium contempletur absq; iuditio & ulla ratione, quamuis eiusmodi nugas ac uanas contemplationes hactenus Pseudomedici pro fundamentis, ac penè proue-xillis in Medicina habuerunt.

Q V I N T V M C A P V T , D E L I - bro Alchimiae, & quod Medicus absq; Alchi- mia non possit esse Medicus.



D quintum iam librum accedemus, qui fortassis propter nominis malam opinionem, odiosus & fugiendus quibusdam uidebitur, quorum tamen stultitiam carpere satius est, quam religionem laudare, in hoc cum rem sacram ac sanctam, utilem ac bonam propter malos quosdam usus, uel abusus potius, qui circa eam reperiuntur, contemnunt ac abhiciunt. Sapiens omnino ac prudens uir, rectum in qualibet re inspicit, & secundum illum rem malam uel bonam iudicat, nec ullo abusu à uero iuditio distrahitur, & restet. Quis enim prudens colori optimo, ac pretioso inuidet, propterea quod ad malam, ac in honestam picturam fortassis pictor eum adhibuit? Aut quis lapidem oderit, quem lapicida inconsultius agens, forte frangit? Et sic: Quis uere sapiens Alchimiam damnabit, nobilissimam creaturam ac opus Dei propterea, quod uideat aliquos, minus recte

M E D I C O R V M .

recte iam didicisse , ac minus fœliciter eam tractare ? In Alchimia
 culpa plane nulla est, in imperitia autem & in inscitia utentis ea est.
 Quis hominem fugiet pacificum, ac ueminem facile ledentem: quis-
 ue cani irascetur probo ac tractabili , qui tamen à quopiam nimi-
 um irritatus remordet: aut quem nam ius ciuile mordet ac furca
 suspendi iubet, furem ipsum, an uero rem furto abstractam & furem
 credo: quia res ipsa, et si furtiva facta sit, tamen per se bona remanet.
 Sic quoq; nullo modo scientia aliqua per se bona, utilis ac honesta
 contemni debet, propter quosdam, qui peius ipsam didicerunt, aut
 qui in consultius circa illam agunt. Alchimia autem ars est, tum ne-
 cessaria tum utilis, qua carere in Medicina non possumus, compre-
 hendit enim in se artem Vulcani. Et sic quoq; sciens, quid Vul-
 canus ualeat ac possit. Alchimia est ars, Vulcanus autem est artifex
 in Alchimia, ergo qui Vulcanus est, ille artem in manu ac potestate
 sua habet, eam regere ac gubernare, & cum ea arte artificiose agere
 potest, qui Vulcanus non est, artem perfecte non nouit, nec eius po-
 testatem habet. Circa hanc igitur artem primo aduertere debemus;
 quod à Deo primum omnia creata sunt, creauit enim ex nihilo ali-
 quid, illud aliquid est semen omnium, & illud semen finem imponit
 suæ prædestinationi, ac officio suo. Et quanquam ex nihilo omnia
 in infinitum usq; creata sunt, nihil tamen usq; adeo finitum ac ab-
 solutum est, ut in eo nihil amplius desideretur. Creata quidem sunt
 omnia ac finita, sed tamen non ita finita, ut quibus nihil desit, non
 ita perfecta sunt, aut absoluta, ut ad rectum finem ac terminum, uel
 ad extremam perfectionem peruenient. Relinquitur enim aliquid
 Vulcano perficiendum, ac finiendum prorsus. Omnia tamen ita
creata sunt, ut ad nostras manus perueniant, & in nostra potestate
esse incipient, ita tamen, ut non perfecta, sed perficienda, non ut ab-
soluta, sed manibus nostris absoluenda. Prima in illis materia perfe-
 cta est quidem, media autem & ultima perficiendæ restant. Arbo-
 res ac ligna crescunt, & uti ligna perfectè crescunt, non tamen car-
 bones crescunt, imo redigenda adhuc in carbones sunt, opera no-

L A B Y R I N T H V S

stra. Lutum uel Argilla quidem ultro crescit, & perfectè quidem non tamen crescit ut ollæ & alia uasa fictilia sit, sic de omnibus nascientibus. Videndus igitur & cognoscendus est Vu'lcanus, quis nam sit, & quam necessarius sit tali exemplo. Ferrum Deus creauit, quale autem non quidem quale esse debet, non enim calces ferreos equis, non lanceas ferreas, non arma ferrea militibus apta, non falces messoribus &c. sed rude ferrum creauit, & in rudi materia iaceens creauit, rudeq; nobis id tradidit. Sed cætera in eo perficienda committit ignis, & eius gubernatori Vulcano. Et hoc igitur sic Vulcano commissum est negotium, & ideo qua arte utitur Vulcanus, ars est, & ars quidem perfecta, necessaria ac utilis, imo certa quoq; & non fallax, quia si incerta ac fallax ars est, necessaria non esset. Sequitur ergo iam ex his talis ordo, quod istud rude ferrum primo purgari debeat, & ita ab impura materia, purius quod est, separari, deinde purius ferrum fabro committitur ferrario, qui arte sua illud tractare, & ad quamlibet formam aptum, fingere ac eudere possit, & ignis ferrum mollificans ac liquefaciens, est Alchimia, faber autem tractare ipsum sciens, est Vulcanus, imo ut ultro hoc pergamus: Ignis in foco lucens, est Alchimia, in fornace calefaciens, est Alchimia, culinæ autem minister, ignem ordinans ac temperans, item calefactor fornacis sunt Vulcani. Sic quoq; cum Medicina sese res habet: Est enim & illa à Deo creata, sed non perfecta, non ita præparata, ut plane absoluta sit, sed sub terra adhuc occulta, non ab impurore materia purgata, & id quod restat in ea perficiendum Vulcano, id est, Medico committitur, purgandum scilicet illam à fecib. liquefaciendi &c. ut suprà de ferro uidimus. Quas enim oculis herbas cernimus, id non est Medicina. Item quas gemmas, quasue arbores uidemus, non eit id Medicina recta ac perfecta. Oculi enim taltem partem immundiorum ac rudem materiam uident, quæ a recta Medicina nondum segregata est, & in qua impurior pars adhuc occultatur. Quid igitur? Impurior pars prius purganda est & abiecta, & postea Medicina apparebit. Sic igitur Medicinam

M E D I C O R V M .

Medicinam purgare, mundare, dissoluere, melioreni ex ea partem colligere, illud omne inquam Alchimia est, labor ac officium in agendo hoc Vulcani est. Hic igitur Vulcanus pharmacopolem ac ministrum culinæ sic agit, quemadmodum ante fabrum ferrarium agit. Et quia saepius accidit, ut ex terra purum absolutumq; aurum argentumq; effodimus, sic quoq; Medicina nonnunquam pura, & ab omnibus partibus absoluta reperitur, & tale argentum aurumq; qua à natura absolutum, non magnum negotium requirit in purgando, sed fulminationem solummodo, ac probatione ignis opus habet, quod idem eodem modo de Medicina intelligendum est. His iam sic peractis & sic Medicina parata opera & auxilio Alchimiæ ut diximus, tunc ista Medicina demum perfecta, ministro culine datur, ut sic ægrotanti ad ualeitudinem fiat cibus. Ad hanc etiam rem non inconueniens mihi uidetur de pane exemplum adiungere. Exterior ars Alchimiæ, quæ circa panem coquendo in furno fit, non est tantæ potentiae, ut panem ad ultimam ac finalem materiam redigere ac perducere queat, sed ad medium tantum potest. Natura primam materiam perficit, ut in aristis filiginem, postea Alchimia statim incipit, metendo, colligendo, molendo, in furno pinsendo. Iam prima materia absoluta est per naturam, & media per Alchimiam, restat ultimæ materiae perfectio, quæ fit per Alchimiam microcosmi. Sic iterum incipiendo Microcosmica Alchimia, panem tanquam primam iam materiam ad os defert, ibi frangit, mandit ac ruminat, & hoc primum opus est, ac officium: in stomacho deinde media materia fit, dum concoquitur, postea uero dum in sanguinem ac carnem abire compellitur, tertium, Alchimiæ officium est, & sic ultimæ materiae perfectio.

Econtra quoq; alio modo Alchimia cernitur in morbis, nam ipsa infirmitas est prima materia, iufirmitatis declinatio, est secunda uel media, mors postea subsequens, est ultima materia. Item ptrefactio cadaueris, est primum officium Alchimiæ & prima materia, consumptio est secunda, puluis ac terra ultima. Sic nam perpetuo cum

L A B Y R I N T H V S

tu cum Alchimia nobiscum in creatis à Deo omnipotente, procedit. Et sic ad propositum meum redeundo, nihil in creatione adulteriam usq; materiam perficitur, nihil absolute planè creatur, quo ad ultimam materiam dico: omnia tamen in primæ materiae perfectione creantur, postea Vulcanus suo officio fungitur, & istam creatam in prima materia rem, perfectam, per secundam usque ad ultimam perducit, ac absoluit, idq; per artem Alchimicam. Sic iam Archeus, id est, internus Vulcanus sequitur, qui circulos dicit, Geometriam exercet, materiam præparat, iuxta diuisiones ac regulas Iuæ artis Alchimicæ, sublimando scilicet distillando, reuerberando &c. Hæ enim artes omnes intrinsecus in homine sunt, quemadmodum extrinsecus in Alchimia. Sic Archeus & Vulcanus, materias leparant, & quod siondum absolutum sit, per Alchimiam ad absolutum finem perducatur, absoluaturq;. Sunt itaque huius artis multifariam artifices. Nam sunt Alchimistæ metallorum, qui plumbum à prima impura materia liberant, à ruditate purgant, ut in operando eius usus esse possit: sunt Alchimistæ mineralium, qui antimomum mixtum in antimomum purum transformant, ex sulphure sulphur reddunt, ex uitriolo uitriolum conficiunt, ex quibus omnibus apparet effectus Alchimiae, quia mediante igne, agit, præparat, absoluit, purum ab impuro purgat & mundat. Quamuis etiam non omnia media, quibus Alchimia operatur, ita calida sunt, ut quasi ignis externus urant: tamen propter munus suum, ac officium proprium, ignis uocantur, cum idem in suo genere proportionabiliter agunt. Sic Alchimistæ lignorum, sunt fabri lignarij: præparant enim ligna ædificijs, ut sint apta. Sic statuarius Alchimista est, purgans inutilia à ligno, ut aptum efficiatur, ad quaslibet imagines. Et sic Alchimistæ sunt Medicinæ, qui eā à uera Medicina separant, quæ uerè Medicina non sunt. Iam igitur uidere ac quasi clarissima luce cernere licet, qualiter sit ars Alchimistica, talis nempe, quæ superflua ab utilioribus segregat, & rem quamlibet in ultimam suam materiam redigit. Ego autem quod hæc de Alchimia pluribus differo,

M E D I C O R V M.

dissero, & cur hunc librum interseco, causam habeo hanc, quod uideo in pictis, ac multis libris artem nullam esse Alchimicam. Sed uoluendo ac reuoluendo, sursum deorsum inconsulte miscendo, & quadrata rotundis mutando, non quidem purgant res sibi purgandas, non mundificant, sed contaminant potius, maculant ac coinquiant, non perficiunt, non absoluunt, sed dissecant magis, disrumpunt ac lacerant, ut sic quoque uariam ac immundam commixtio-
nem sues etiam, nedum homines nauleam ciere facile possunt. Horum igitur inutilem ac abhorrendam operam negligimus merito ac abhorremus, imo & damnamus. Ideo à Deo opt. max. hæc recta ac naturalis Alchimia ars nobis diuinitus data, ac instituta est. Altera autem, qua se immundi, sordidi ac sorditati Apothecarij iacti-
rant, ars non est, sed immunditia mera, qua tamen Syrupi nobis co-
quuntur, laxatiua parantur, composita conficiuntur. Vide igitur quæso quām pulchras, quāmq; utiles artes Alchimicas ac Medicas, scripti isti Pseudomedicorum libri nobis proferant, quām pulchre curatas ac absolutas scientias, simulatores isti ac ficti, uixq; semime-
dici nobis exhibent: in quibus perlegendis non quidem in uerito quis meliore uite partem consumit. Non sic, non sic inquam, cras-
so modo, Syrupi ac laxatiua coquuntur, sed subtilius agendum, ar-
tificiosius procedendum, puriusq; aliquantulum Alchimistica ars
exercenda est. In hoc enim hæc scientia Alchimica inuenta, in hoc
nobis data est, ut prosit non obsit, munda sit ac pura, non conspur-
cata, non mille modis inquinata, non deniq; quauis latrina magis
immunda. Medicus igitur sic cogitet: Quia Deus creator ab initio
nihil absoluti creauit, nihil omnino perfecti produxit, nihil ad ultimam usque materiam traduxit, sed ista omnia Vulcano per agenda
commisit, istud officium Archeo subeundum reliquit &c. Ergo nec
ego Alchimiam negligam, sed amplectar potius, non Vulcanum
depellam, sed ipse potius Vulcanum in mea Medicina agam &c.
Videbit enim ille Medicus hac arte non minus in Medicina opus
esse, quām aqua & igne in uita nostra opus habemus, quia imperfe-

L A B Y R I N T H V S

Etum perficit, nihil impurum, nil nisi mundum ac syncerum relinquit: quod uel hoc exemplo optime patet: Panis datus nobis est, & quotidie datur à Patre nostro cœlesti, non tamen talis datur, quam à pistore accipimus, sed imperfectius quiddam, quod ut perfectius fiat, panisq; nomine gaudeat, tres ante Vulcani requiruntur: Agricola scilicet, qui seminet metatq;: Molitor, qui conterat maceretq;: item Pistor, qui in farinam redigat. Sic quoq; in Medicina fieri necesse est, & sic cum interiore quoq; Vulcano fieri debet. Non igitur pudeat Medicum huius artis Alchimicæ, nec eam contemnat artem, scilicet ad multa ac magna necessariam, ut diximus. Sin autem eam neglexerit, ac paruifecerit, certissimum id iudicium est, cum non esse Medicinæ Doctorem, sed ornatum potius Beanum, & eiusmodi Doctorem, quale in speculo corpus uideri solet.

S E X T U M C A P V T, D E L I B R O Medicinæ, qui Experientia appellatur, & quomo- do Medicus illum discere debeat,



V I A igitur Medicus experientiam habere debeat, cum Medicina nihil aliud penè sit, quam experientia, nempe certitudo eorum quæ agit. Est enim experientia certa, confirmata ac infallibilis potentia agendi in qualibet re, & qui hanc experientiam non habet, id est, qui tali firmitate ac certitudine, in rebus ac operationibus suis non nititur, is Medicus dubitans, imperfectus, ac penè pendens est, non certus, non recte institutus. Igitur de experientia, experimen-
to, ac scientia hoc libro tractare instituimus, ut quid quodlibet istorum sit melius Medicus intelligat. Dico igitur quod quicquid ex-
perientia, quæ quasi indicis officio in rebus agendis fungitur, uel probat uel improbat, id & à Medico probari uel improbari, recipi
uel reñci

M E D I C O R V M .

uel rei*ci*debet. Illa igitur de qua dicimus, experientia, debet cun*t* scientia concurrere ac coniuncta esse : Nam absq*z* scientia non est experientia. Etsi enim nonnunquam forte experimentum reperiatur quod consistat, ac probatum (ut uulgo Medicorum dicitur) sit, tamen illud experimentum mediante scientia, ad experientiam du*c*i necesse est, ut infallibile fiat, & cuius usus frequentior siet : erit enim tunc ista experientia infallibilis. Sin autem absq*z* scientia quoque fuerit experientia, tunc amplius ea uti non licebit, quia non experientia recta est, sed experimentum saltem nudum, absq*z* scientia. Iam igitur diuiduntur ac discernuntur ab inuicem experimentum & experientia, item experientia & scientia. Quia experimentum ad sortem quasi incidit, incertis sedibus errat, nihil firmi promit*tit*, quia nudum. Experientia autem uestita ac munita est, certitudinem in se habens, iuxta ueras ac infallibiles regulas agit. Scientia uero est experientiae mater, ita ut absq*z* scientia in experientia nihil siat, sed sit saltem nudum experimentum, ut exempli gratia. Scammonea purgat, experimentum est: Simphyto sanantur fracta crura & alia ossa fracta, item ruptura, est experimentum: Saphyrus sanat antracem, experimentum est. Hæc quamuis experimenta sunt, sunt experientia reperta, tamen necesse est, propter morborum pluralitatem, ut scientia quoq*z* adsit, sciaturq*z*, cui morbo tale experimentum, & in quo homine adhibeatur. Nullus enim morbus reperitur, qui non uel secundum membra, uel naturam complexiōneniq*z* hominis mutetur. Igitur quia in hoc cautius agendum, & quia differentia morborum, quantitas ac qualitas consideranda est, non ex i*p*erimento certe utendum, sed scientia quoq*z* adhibenda, quæ scilicet morbum à morbo discernat experimento, quasi uiiam monstrat, quo pergere debeat. Et quemadmodum Pyrus uel alia arbor ferens fructum, illud ipsum quod fructum scilicet fert, ex scientia facit, quæ à Deo arbori indita est, & sic per scientiam flores producit, folia emittit, deinde Pyra format. Et hæc in arbore scientia miranda quidem est, quamvis nec homo quidem pingere aut scribere

E ii bene

L A B Y R I N T H V S

bene potest, nisi id fiat per experientiam & experimentum. Rediendo tamen ad pyrum: Arbor ista, haec omnia ordine ac mirabiliter faciens, per scientiam facit, istam scientiam per se & suam naturam habet à Deo acceptam scilicet. Id igitur, cum ita singulis annis & perpetuo usq; fieri uidemus, experimentum nobis paret: certum enim credimus, quia uidemus. Scientia autem in nobis non est, experimentum ictummodo habemus, quia ita fieri hoc experimur, & illud ipsum quod aliter non accidit, experientia est, quæ quoq; in nobis non est, sed in arbore. Item Scammonea purgat, & hoc facit per scientiam purgandi, quam à Deo in sua natura habet; nouit enim pulchrè quid & quomodo purgandum sit: talis in te quoq; fiat cognoscendo scilicet eam: tunc experientiam tu habebis una cum scientia, experimentum tamen non habes. Sin autem proprietatem, uirtutem, ac totam naturam eius nescias, solum hoc nosti, quid purgat, tunc experimentum tantum habes absque scientia, & sic non aliter Scammoneam nosti, quam Gallus quidam natione, linguae Germanicæ ignarus, si Germanum sermonem audit, nouit quem se Germanam linguam audire, qualis autem sit sermo, quæ de re, quid significet, quidusc quis loquatur, id ignorat. Sic quoque in experimento sese res habet. Oculi aliquid uident sic esse, intellectus tamen, cur sic sit, non adest, in oculis experimentum tantum est, non experientia. Sic igitur colligendo: Quia summus Deus pyro cæterisq; arboribus hanc tantam scientiam indidit, quanto magis homini eam dabit, si iuxta primi libri doctrinam egregiè studuerit, cogitabit.

Et sic uidemus, quod scientia sit quædam quasi influentia, quæ in natura sepulta ac occultata iacet, quam nos tamen eripere & extrahere deberemus, dum enim iacet, dum occultatur, nil nobis profert, sed quasi talentum subtus terram occultatum, perit, quod fieri non debet, imo nihil tam arcuum, tam abditum nobis uideri debet, quin id eruere ac cognoscere conemur. Quo igitur modo, ac pacto ita occulta nota nobis fiunt: Id quidem Magica ars tribus partibus distincta

M E D I C O R V M.

distincta breuiter ac methodice nobis ostendit, & arcana manifestat. In schola scilicet Medicorum, Philosophorum, Astronomorum & similium, Sic enim mediantibus his, necesse est experientiam in te nasci, absq; his autem, mera ac inanis fantasia, & deliratio est, ex qua egregij nobis Fantastæ nascuntur, qui nescio quas subtilitates ingentes, & miras speculationes ostendunt, easq; absq; omni fundamento ac ueritate. Notandum autem iam quoq; est, inter scientiam & experientiam differentia, ultra eam quam supra de experientia & experimento uidimus. Scientia est in illo, cui à Deo diuinitus data est: experientia autem & quasi testimonium uerum de eo, in quo scientia esse intelligitur, ut in pyro: nam pyrus scientiam ipse habet, nos autem, quare operationes eius cognoscimus, experientiam habemus ipsius scientiæ, & sic deinde testamur nostra experientia, scientiam in pyro perfectam esse.

Ad hoc autem sextus liber hic ponitur à me, quo talis scientia in nos perueniat, ut similiter patientes ac ægrotantes à nobis curandi, tales nobis sunt curæ ac diligentia nostræ, circa illos adhibita, ut intelligent in nobis rectam scientiam. Quicquid enim plane perfectè, ac iustè naturæ ordine perficitur, id scientia est, ea ubi non est, ibi nec experientia, sed experimentum saltem absq; scientia est, Cur enim sic dico? Accipe hoc, utere, sanabit spero: Ego enim saepius usus sum, & expertus &c. Ecce, nonne hic fateri necesse est, quod experimentum solummodo tentando, & opinando consistit, Nec facile uni sic dicenti, quis fidet, nemo facile ausus fuerit hæc quoq; experiri, ne forte cum periculo experiatur. Si autem dixeris: Hoc fac, hoc sume, sic tibi fiet, sic fructum ex hac re uidebis, quod scio &c. tunc nimirum firmi quiddam, & tunc cum experientia scientia iuncta est, quilibet nostrum ea dicenti fidem habebit. Si igitur multum interest inter experientiam & scientiam, quod tamen non ita uolo, ut experientia & experimentum idem intelligentur. Sed experientiam eam dico, quæ ex scientia proficietur, docetur ac sumitur. Sic enim uia in nobis paratur ad scientiam ipsam, incipien-

LABYRINTHVS

do scilicet à scientia, nō ab experimento, ut quia scio, quod bombarda incensa grauiter ferit, ac muros turreſq; deiſcit, experimentum sit, scientia autem est, quod istam bombardam dirigere, ac diametra-liter aduersus murum ponere queam, ita, ut emissa, non possit murum præterire, non possit à meta illa aberrare. Et hoc facere sciens sagittarius dici meretur: Si autem ita comparatū est, ut unus ictus forte certus fiat, ac feriat, sequentes decem, aut plures postremo incerti ſint, ac murum subter, aut præteruolant, id scientia non est. Et ſic uidere licet, quod scientia prior sit, ac præcedere debeat experimentum. Cogitet igitur iam quilibet ſecum, quod Deus ſingulis rebus, ſingula dona donauerit, ſingula crea ta ſingulis ſuis uirtutibus ornarit, quæ uirtutes ſunt scientia. Si igitur arboribus ac herbis ſcientiam dedit hanc, ut ad finem ſuum ultro ſciat peruenire omni forma ac eſſentia, quanto magis Medicum ſcientia donabit, & ut rosas ac floſculos campi ornabit, quo dona eius, ac fructus incurando ægroto appareant, cuiusq; ſcientia perfecta ac absoluta, ultro in multorum utilitates redundet, non ſecus, atq; pira, pomaq; maturata, in uſum noſtrum cadere ex arbore ſolent. Omne donum à Deo perfectum, & omnis ſcientia absoluta est à Deo, ſicut arboris & herbæ uires, uirtutes, ac ſuccum ſuum à Deo accipiunt, & illa ſcientia à Deo impetrata, est absoluta, experimentum uero absq; ſcientia, & experientia absque ſcientia, non est absoluta nec certa. Quemadmodum enim in piro ſcientia, ita certa est, ut nunquam uel pomum uel in aliam arborem degenerat.

Sic in homine ſcientia ita certa est, ut aliter ſe habere nequeat, quam deinde homo quilibet augere & ad ſummu m exercere pro uiribus debet. Imo etiam conari ſedulo, ut Alchimistarum modo ad ſupremum & ultimum gradum eam exerceat, perducatq;. Arbores ſcientiam ſuam grauiter exerceant, donec per folia, per flores, ac longo poſt tempore ad ſummu m gradum, id est, ad fructus perducant. Sic homo quoq; ſcientia præditus, illam exercere debet, & augere indies, ut fructum aliquando ex ea habeat. Aliud est, dum ex ſua ſcien-

sua scientia arbor fructus producit, & aliud, dum iam producti ac maturati cadunt. Sic quoq; differentia est, in crescendo purum, & deinde purgando purum ab impuro. Nam id quod crescit in scientiam uberiorem, non purgatur, quod autem ad iustum modum crevit, id purgatur.

Notandum quoq; omnibus modis iuxta prædicta est, quod qui libet homo ad quiddam nascitur, & quod unicilibet præcipuum quoddam donum à Deo datum est, in quo uno manere, illud exerce-re, & in eo se delectare ac beatum arbitrari debet, nec aliud expos-cere. Quilibet enim suæ scientiæ exercendæ ac augendæ sufficit, aliam autem appetendo, frustra laborat, inanemq; operam sumit, quia aptus ad illam non est. Cur enim pyrus optaret, à corylo scientiam addiscere? cur ficus à dumis ac spinis? Erustra enim pyrus laborat corylus fieri, & è contra, quare quælibet scientiam suam nacta est, quam tractet, augeat, ac deniq; finiat. Sequitur igitur, iusto ordi-ne, liber scientiarum, ut eas discamus, & per experientiam in medi-um proferamus. Et hæc omnia indico ideo, ut cognoscatis, non so-lum scientiam, quæ in pyro est, sed omnium rerum aliarum scien-tiarum, præsertim rerum Medicorum, quo intelligatis qualē om-nipotens Deus scientiam uitriolatis dederit, per quam ægrotantes sanantur. Ut sic sciam, per quam uitriolus operatur, in uobismet ipsis reperiatur imaginatiue, uti in uitriolo esentialiter est impres-sa: loquor de impressione luminis naturæ, ut sunt radij, qui tibi quo-que imprimuntur. Decumbentes subleuare, ægrotantibus subue-nire, ac morbos depellere, est scientia. Hæc autem scientia in Medi-co non est, sed in Medicina. Ex quo sequitur, quia scientiam gene-randi non habet, sed scientiam solum administrandi, & propter administrationem cogatur illam etiam scientiam querere, quæ in Medicina, & si scientiæ ipsius in illo non minus debent esse, quam in natura, propter uim impressionis ex lumine Naturæ. Nam ista sci-entia naturæ si in Medico non fuerit, hinc atq; illinc tendet, iam hoc iam aliud ager, certi nihil habet, nisi de Medicina garriendi fa-cultatem,

L A B Y R I N T H V S

cultatem. Sic quidem Medicinæ libri, aliqua ex parte ostensi sunt, **ex** quibus Medicus bonus se fundare, & suam artem haurire debet, id tamen labore diligenti & assidua inquisitione ac perscrutatione, non inertia, non desidia aut tedio, non Endimionis more dormiendo, ac assatam columbam frustra expectando, non deniq; Sophistica uia, sua subtilitate ægrotum obtruncando. Dabitq; operam, ut sequentes quoq; libros bene cognoscat, quo omni ex parte perfectus sit, ac omnes Medicinæ libros bene perspectos habeat.

S E P T I M V M C A P V T , D E N A- turalibus Pharmacopolis ac Me- dicis.



A M autem negari non potest, quin omnes operatio-
nes ac actiones externæ sint quoddam inditum, uel
quædam quasi æmulatrix actionum internarum, ac
quod externæ ab interioribus proueniant. Inditum
enim certum est, quod quemadmodum in externis re-
bus & inter homines passim natura operatur, sic in homine quoq;
sagax ac industria sit, uaria operando & producendo, ut in hoc exem-
pto uidere licet. Natura ædificauit, posuit, ac fundauit in modo suo
Pharmacopoliam, non aliter, atq; in ciuitate quadam Pharmacopo-
lias uarijs Medicinis, ac omnis generis herbis instructas uidemus.
Sicuti igitur in tali Pharmacopoliæ herbæ colliguntur, Medicinæ
parantur & omnia ad hanc artem necessaria inueniuntur, in una
tamen plura simplicia, compositaue plura, quam in altera sunt, item
aliter in una parata custoditaq; quam in alia. Sic quoq; cum Phar-
macopolijs in toto mundo quæ sunt, esse solet. Omnis enim cam-
pus, omnis ager, omne floridum pratum, omnes deniq; montes col-
lesq; Apothecæ uel Pharmacopolijs sunt, quas nobis edificat, ac her-
bis, Medicinisq; omnibus instruit ipsa natura, & secundum istam
Pharmaco-

M E D I C O R V M.

Pharmacopiam naturæ nostræ quoq; si diligentes esse uelimus, instruere debemus. Porro autem in tota rerum natura, una tantum est Pharmacopolia uniuersalis, quæ est totus hic mundus, sub uno tecto, tecta ac comprehensa, & in unius manu posita. Vnus enim in illa Pharmacopolia, unus qui herbas colligit, producit ac contundit, unus per totum mundum, qui mortarium exercet. Et omnes nostri secundum illam, & ad imitationem illius, suas quoque instruunt Pharmacopolias, quæ sunt particulares, non enim uniuersali pares esse possunt. Habent quædam, non tamen omnia: parant quædam, non tamen tam perfecte, quia naturæ Pharmacopolia hominum longe exuperat ac uincit. Hæc cuncta ideo dicuntur à me, ut intelligamus in homine quoq; talem naturalem Pharmacopiam esse positam, in qua omnia inueniuntur bona ac mala, curantia ac uenenosa, simplicia ac materialia, non secus, quam in externa illa mundi Pharmacopolia. Hæc cum ita se habent, iam ultra progressiendum est, & sciendum, quod quælibet Pharmacopolia, Medicum proprium habet. Natura Pharmacopiam habet, quam ipsa ædificauit ac instruxit, ergo Medicum quoq; procul dubio habebit, de quo Medico sic ordine uidebimus.

Homo quia naturam imitatur, & qualemcumq; potest ad naturæ uniuersalis Apothecæ imitationem, sibi quoq; particularem instruit, Medicum in illa sua habet, administratorem uel factorem, uti vocant, illam scilicet, cui omnia in ea agenda, perficienda, emenda ac uendenda committit: sic quoque & natura Medicum habet, qui Medicinis utitur, eas ordine dispensat, profert, ac ad ista loca producit, ubi eius usus esse potest, & ubi Medicina maxime opus est. Homo pharmacopola in sua officina uersatur, agit, tundit, ac eiusmodi officij sui munera subit, & est pharmacopola uel Medicus uisibilis. Ille autem qui naturali ac uniuersali pharmacopoliæ præfatus est, & qui in illa medicum agit, inuisibilis. Et sic post istam æquiperationem Pharmacopoliæ internæ & externæ, uisibilis ac inuisibilis, sequitur alia de Pharmacopolia, scilicet interna uniuersali, &

F

interna

LABYRINTHVS

interna particulari. Id enim, quod de uniuersali totius mundi Apo-
theca & Apothecano Medico uidimus, idem iam de alia uidebimus.
Est enim, ut suprà admonuimus, in homine quoq; Apotheca, ergo
in homine quoq; inuisibilis quidam Apothecarius & Medicus erit,
qui omnia agat, ordinet, dispenset, applicet ac administret &c. Quæ
omnia ita esse, nam nobis, quasi ante oculos ponit, admonetq; ut ex
hoc libro discamus, omissis interim nostris friuolis fantasij, quæ
nil nisi uolantes ac mobiles quidam uenti & spiritus sunt. Iam igitur,
cur ego talem Pharmacopoliam & talem Medicum describo,
accipite. Omnis Medicina creata est causa ægrotantium, & duplex
est, interna & externa: externam homo gerit, internam natura,
quod ita intelligendum est: Omnis homo, statim postquam ex utero
matri exiuerit, & in hunc mundum nascitur, omnibus morbis sub-
ditus fit, & ad omnes ægritudines aptus, imo in se etiam potentiali-
ter omnes morbos habet, etiam in utero materno: & nisi in homi-
ne ille internus Medicus quoque esset, qui proprie curat, uix credo
infantulum uiuum, aut ad minus sanum in terra nasci posse. Sic igitur
qui à natura morbis plenus nascitur, ubi isti morbi sunt, ibi Me-
dicina est, ibi & Medicus est. A natura igitur morbus, à natura quo-
que Medicus est & Medicina, & sicuti natura homini adiunxit pro-
prium sanitatis destructorem, sic è contra sanitatis conseruatorem
dedit. Destructor igitur singulis horis ac singulis momentis, id dat
operam, ut destruat ac corrumpat, diligens est ac sedulus, ut citissime
pessimis plagis feriat, ac demum interficiat hominem. È contra
uero conseruator nature fortiter pro sanitate ac incolumente eius
pugnat, insidias aduersarij destruit, uim illatam propellit, quicquid
damni ab hoste accepit, resarcit, & in summa, quicquid deiectum
est, iterum ille naturalis & nobis innatus Medicus recuperat. Item
destructor, ad destruendum reperit apta instrumenta in corpore
hominis, sic ad resistendum illi, alter quoq; reperit instrumenta &
Medicinam in mycrocosmo. In mundo externo, ædium destructor
habet instrumenta sua, quibus dejectis frangitq; omnia facile, alter
autem

M E D I C O R V M .

autem ædificator scilicet ædium, sua quoq; habet, quibus in ædificando adiuuatur, & sic ex utraq; parte instrumentis ac armis suis parati sunt, alter in astruendo sepe fortis, alter in destruendo æque fortis est. Sic in nostro quoq; corpore summa intentio adest ad destruendū, ex altera uero parte item summa intentio ad adstruendū: alter ad pernitiem sanitatis nostræ laborat, alter ad ualeitudinem conseruandam incubit. Destructor in corpore nostro, arripit Realgar, & sic ueneno mycrocosmum necare conatur, philtrum sic parat, conseruator uero statim hoc uidens, Antimonij flores decerpit, ac uenenum depellit. Hoc pacto fit, ut corpus iam ægrotare incipiat, mox iterum reconualescit: patitur enim quotidie hanc controuersiam, ac quasi metamorphosin corpus nostrum, quia haꝝ operationes & colluctationes destructoris & restauratoris, nunquam cessant, perpetuo enim belligerantur, semper conflictantur, nulla seditionum, nulla contentionis intermissio, nec pacis aut concordiae ulla spes est, dum uiuimus: quemadmodum in externo mundo seditiosi & pacifici, mites ac horridi, sanguinolenti ac probi semper opponuntur ad iniucem. Nam ubi firmamenta ac elementa sunt, sicuti in mycrocosmo, ibi discordiam ac concordiam, pacem ac bellum quoq; esse necessè est. Cogitatigitur, ac secum perpendet homo merito, nisi à benignissimo Deo, naturalis cum Medicina tum Medicus & Pharmacopalia, nobis diuinitus data fuisset, ac in nobis creata, quod propter externam Medicinam, uix uitam attingere, ne dum diutius uiuere ac ualere possemus. Terra, quoties à Solis calore infestatur, ita ut omnino arescat, ac pulueris modo exiccatur, toties refocillationem à pluvijs recipit. Siccitas morbus est terræ, humor imbrum Medicina. Et hæc in externo hoc mundo Deus ita creauit, quæ ad eundem modum in homine, in mycrocosmo hoc nostro, inquam, obseruanda ac notanda sunt, quia eadem ex utraq; parte ratio est. Nisi enim pluuiia terram exhilaret, exiccatur, & nisi in homine pluuiæ internæ caderent, corpus quoq; excaretur. E contra, si frequentiores, aut fortiores imbres fuerint,

F n. omnia.

L A B Y R I N T H V S

omnia suffocantur, quia, & pereunt, in homine quoq; si nimius fuerit pluuiarum usus, suffocabitur, à Sole damnum datur, pluuiæ id depellunt, & pluuiarum item incommoda Solis commoditas aufert: Sol utilis est ac inutilis, pluuiia utilis ac inutilis simul, ut diximus. Sic spero facile est intelligere originem consumptionis, quæ in homine nunquam fit, ut est pthysis, ethica &c. Item originem multarum pluuiarum in homine, ut est hydropisis uel hypoarcæ, ut quidam eam uocant, & sic de cæteris. Nam pauca solum exempla in medium produco, cum de omnibus docere nimis longum foret, nec huius operis institutum est. Multæ etenim hydropiles, multæ tabes, & alij morbi quotidie naturaliter curantur ab isto Medico & Medicina nobis insita, quam homo non uidet. Sic enim Deus misericors nos suos homines per huiusmodi Medicinam tuetur, & nostrorum curam agit, in omnibus uïjs nostris, ne forte periclitemur aut moriamur: beneplacitum habet enim in ualeitudine ac longiore uita nostra. Nec tamen ille intrinsecus Medicus, de quo modo diximus, solus est, qui sanitatem nostram tuetur, nec illa Medicina sola in ualeitudinem nostram creata est, imo est alius Medicus, & alia adhuc Medicina, de quibus quoq; paucis dicendum est. Homo quidem à principio in miserijis ad miserias, ad pericula & ægritudines multas nascitur, & quia hoc ita est, duo ei constituti sunt tutores in lumine naturæ, qui eius curam agant, qui eum, si forte periclitetur grauius, adiuuent, quiq; malis aduenientibus, resistant. Vnus est intrinsecus ille Medicus, cum sua intrinseca Medicina, de quibus diximus, quæ cum homine simul & concipiuntur, in utero materno, & in terram nascuntur. Ille Medicus tam diu suum officium tuetur, quo usq; præuiribus id potest, posteaquam autem uires ipsum deficiunt, & ruinam quasi minatur, tunc destructoris uires & fortitudo augmentur, ac pergit in homine triumphare, conseruator autem aciem suam uerit ac fugit, istic scilicet recedens, quo ab initio destinatus est. Hoc itaq; in destructore augmentum, & in conseruatore diminutio ubi fieri incipiunt, tunc demum necessitas ipsa, alterum tutorem, id est, Me-

M E D I C O R V M.

est, Medicum externum ad subsidium vocat, eiusq; tunc auxilium implorat, qui Medicus tum rem audacter aggrediarur, destructorem sanitatis conetur caute superare, uincere ac in totum extinguerre, cogitet sibi in uestigia antecassoris sui, id est, conseruatoris iam debilitati cundum esse, prouinciam sibi commissam fortiter defendendam. Solet enim is secundus Medicus ibi incipere, ubi prior pugnare desit. Sic itaq; Deus omnipotens alterum contra destru-
etorem mittit bellatorem, quem destructor ~~est~~ antea ignorauit: illi alteri dico conseruatori, arma & auxilium ministrat, herbas scilicet ac Medicinam ex terra nobis nata, qua hostem destructorem uel omnino depellat, uel in fugam tantum uertat.

Hæc omnia, inquam, tum sunt, postea quām primus internus conseruator grauiter uulneratus cadit, ac secundo officium suum committit, tunc deum hic externus alter dux incipit, qui nouos milites conscribit, ac exercitum de nouo reparat. Postremo tamen, quia oportet ut fatali necessitatí coactus homo, semel cadat, & uincatur, dum constitutum si terminum uincere ac præterire nequit, mors uictoriā obtinet, & triumphat, contra quam Medicus nullus esse potest, nisi is unicus, qui ipsam etiam mortem uicit, & mortuos saepius resuscitauit, ac quibus hoc facienti potestatem dedit. Vide te igitur quæso, ac cognoscite, quid homo Medicus ex hoc libro maioris Pharmacopoliae ad suam minorem uel particularem sumere ac transferre debeat, & quomodo externus Medicus interiori aliqua ex parte par sit, ac ab illo discat. Item quomodo & quando externus incipiatur, tunc scilicet cum internus officium suum deserit. Item Pharmacopola de istis simplicibus, ac compositis certus esse debeat, quibus in receptis suis utitur. Nam hæc si desunt, aut diutius absunt, aut à Medico imperito, secus quām debeant ordinantur, ægrotusq; talem naectus sit Medicū, qui non per ostium re-
ctum ingrediat, sed alibi descendat. Apothecariusq; quid pro quo in medicamentis ponat, tunc deum ad restim res redit, tunc & ex-
tremum periculum decumbens incidit, & nil nisi labor ac dolor undiq; adest.

L A B Y R I N T H V S
O C T A V V M C A P V T , D E
Theorica Medicina, quomodo ista
accipiatur.

T autem rectius intelligatur, unde Theorica sumi debet, quæ ad Medicinam attinet, uidendum est prius, quasi in exemplo, unde Theologia, sit interrogando, id est, ubi suam Theoricam habeat. Habet enim eam à Deo, & ideo loquitur ac tractat de Deo, Nam quicquid inuenit in Deo, & in Deo habet, & à Deo accipit, id omne Theologia est, Practica ac Theorica simul: non enim discernuntur ad inuicem: Sic quoq; diligenter aduerte: Vbi est Medicina? in natura. Vbi autem morbus est? in paciente. Iam igitur sequitur, quod ex his duo bus natura scilicet ac paciente, Theorica Medicinæ constat, quæ est duplex. Prima est Theorica essentiæ curæ, Altera Theorica essentiæ causæ, & ex his duabus una Theorica efficiatur necesse est. Quomodo autem Theorica inueniatur, & quomodo ita apprehendatur, ut calamo & atramento describi queat, animaduertite. Primo necesse est, ut quilibet Medicus Theoricus ex Deo, & de Deo loquatur, ex quo omne principium est, & qui ipse omnia est, in omnibus, & ut sacrosancta Scriptura loquitur, omne bonum perfectum ex Deo est. Ergo Theorica Medicinæ quoq; ex Deo est, quod sacra Scriptura testatur, dicens: Quod Deus Medicum & Medicinam ex terra creauit: Cum igitur creata à Deo perfecta sunt, sequitur quod Medicus & Medicina perfecta sunt, & quod malè ualentés Medicos opus habent, necesse est, ut ille Medicus perfectus fiat, alias enim nihil ægrotō prodeßent. Medicus igitur, qui uelit Theoricus esse, oportet ut Theoricam ex iusto libro discat: primo ex Deo. Ille enim labia nostra aperire debet, nosq; adiuuare in omniibus operibus, quæ in ipsius nomine incipiuntur & peraguntur: nam absq; illo, nihil plane potest, prosperum aut bonum esse. Deinde cæteros libros.

M E D I C O R V M.

libros, quos hactenus indicauimus, summa cura perdiscat, cognoscat ac peruestiget, ut nihil plane loquatur aut agat, nisi quod ex ipsis didicerit. Sic erunt Theoricae causæ & Theoricae curæ coniunctæ & copulatae, & quicquid ex his proficiuntur, aut theoreticatur, erit perfectum ac absolutum, quoniam libri isti ex quibus discitur, sunt absoluti: nam à Deo compositi, à Deo conscripti, ligati & in Dei bibliothecam delati sunt, Dei q̄ ad eo præsidio custodiuntur. Non igitur fallacia in illis est, non dolus, non error, non incertitudo, non opinio &c. non deceptio. Hinc Theorica postea in chartis describi & possunt & debent, ita tamen prouide, ut naturæ lumen semper nobis rectam instructionem largiatur, non homo, ut uel hoc modo patet. Iustitiā ac uitam æternam quæ sit, per quem sit, & qualis futura sit, præscriptam habemus in Euangeliō & sacrosancta Scriptura, cum omnibus simul ad iustitiam necessarijs, & satis hoc est. Nam autem ipsam iusticiam in chartis membranisue descriptam esse, & in chartis manere, satis id non est, imo uberius progredendum, & alibi quærenda est, apud illum nempe, apud quem est, & à quo istud Euangelium de iusticia primo auditum est, quiq; ut chartis mandaretur iussit. Quæ igitur in chartis descripta sunt, literæ solummodo & characteres sunt, quid autem iste literæ ualeant, quid nos doceant, & cur hic descriptæ sint, id cœlitus discere à cœlesti lumine accipere debemus. Sic de Theorica ac Practica Medicæ artis sciendum: Quæ quamuis in membranis describi potest, ista tamen scriptura plane mortua est, ac inefficax, sed ex naturæ lumine illuminatione descendat oportet, ut textus libri natura esse intelligatur, sine cuius elucidatione ac intellectu, nemo Philosophus aut Physician bonus esse poterit. Nemo igitur scriptis solummodo libris incumbat, aut eis nimium fidat, sed illuminationi isti fidat, quæ ex illo descendit, qui ipse lux est, nostrasq; fantasias, ac friuolas speculations missas faciat. Et ut intelligatur melius, quid sit Medicæ religionis Theorica, sic accipe: Theorica Medicina est ista, quæ certe, indubitanter ac uerè indicat originem ac principium, causas, materias, pro-

L A B Y R I N T H Y S

as, proprietates, essentiam, ac omnia initia, media ac finem cuiuslibet ægritudinis, item istius ægritudinis curam, scilicet, qua uia, quo pacto ac ratione, quibus remedij, quomodo succurri ac mederi morbo debeat. Et hæc omnia sine errore & absque omni fallacia. Quemadmodum enim qui semen seminat, si id semen bene nouit, sciet etiam certo quem fructum ex eo expectare debeat. Is qui arborem plantat, si fruticem nouum bene cognoverit, haud dubitas secum de fructu futuro, & hæc est Theorica rustica, & de plantis Theorica, quæ tamen ut simile bene hue quadrat. Item quemadmodum si quis grauiter uulneratus sit, ubi sit, quam pericolosum, & hæc chirurgica Theorica est. Porro autem quid circa istud uulnus euentus sit, si Medicina non adiuuetur, quale futurum sit, si adiuuetur, hoc scire est quoq; Theorica chirurgica. Postremo quomodo purgari ac sanari queat, quibus unguentis aut emplastris, quo pacto in sanando procedendum, id est Theorica practica chirurgica. Et quæ iam de uulnere ac suprà de semine diximus, eadem de omnibus alijs morbis intelligenda sunt, ut sic ordine & serie quadam fundamenta Theoricæ ponantur.

Quilibet morbus ex semine oritur, si autem diutius crescit, in arborem exit, ac fructus progenerat, sic gladius, lancea aut ensis, est semen uulneris, & omnia quæcumq; sunt, ex semine sunt. Sequitur igitur, ut Medicus semina omnium morborum perfectè cognoscat, & tunc demum fœliciter ac commode Theoricam exercebit, artisq; suæ fructus non aliter atque agricola quispiam metet, de quo etiam fructu tam certus debet esse Medicus, quam agricola est de suis fermentis ac messibus, quod si non est, certum erit eum in errore uersari, & alios secum errantes ducere.

Multi hucusque multa, & diligenter fortassis scripserunt, de origine ac causis morborum, & adhuc scribunt quidam, quæ tamen re uera, nihil sunt, & nullius prætij æstimanda, suntq; à principio usq; admodum inutilia, quæ de tempore ac crisi tradunt, ea uera quidem sunt. Os enim ægrotantium hoc loquitur, oculi hoc uident, aures.

aures audiunt & testantur ita esse. At initium ipsorum, scons & origo, error est ac deceptio. Donec enim non à semine initium proficiscitur, & à semine Theorica incipiat, humoresq; abhinciantur negliganturq; error est merus, ac labyrinthus merus. Non enim recte ex humoribus theoreticatur, et si enim in morbis mali humores adesse cognoscuntur, isti tamen à morbo sint necesse est, non autem ab humoribus morbus. At, inquiunt, quia uidemus quod humores prædominantur, ergo causæ sunt oportet, non conceditur. Finge enim aliquem in fluxum ventris incidisse, qui plurimas sedes habeat, easq; gilui coloris, crocei aut rubei coloris &c. quod cum uides, cholera inquis, hoc efficit, cholera in causa est, obliuisceris igitur hic recte Theoricæ, nempe quod semen adsit, & illud semen iam creuit, ac talem materiam progenerat. Semen illud dico, ex seipso est, in fel aut in atram bilem delapsum forte, fel exercet, ac etiam præcipitat, non adest igitur in stercore fel, sed color fellis adest. Quid igitur? Materia semiuis felle colorata est, quemadmodum uinum terræ nonnunquam aliquem saporem in se retinet, non tamen ideo istud uinum ex terra esse dicitur, imo ex uuis: uuæ ex palmitibus: palmites ex uite, uitis autem ex semine suo est. Vbi igitur hic terra, aut ubi humor melancholicus? Si quis in hydropisin incidat, Epar, inquis, debilitatum est, ac frigescit, & igitur ad hydropisin inclinatum est. Hæ rationes mihi crede multo leuiores ac infirmiores sunt, quam ut ueram tibi causam elicerent. Sin autem dixeris: adest semen metheoricum, quo resolutum in pluuiam, pluua iam à summo suo loco, per media interstitia cadit, ac stillat ad infimum usq; & sic, quod semen metheoricum antea erat, iam aqua est, iam lacus, iam piscina est, hæc quidem uera dixisti. Quemadmodum enim in aere euenire uidemus, cœlum iam serenum est, ac purum absq; omni nube, mox autem exoritur aliqua exigua nubecula, quæ crescit ac augetur ita, ut in unius horæ spatio imbræ vel grandines, aut fulmina ex ea parua nubecula progrediantur. Sic igitur circa ægritudines theorisandum nobis est, ex fundamento scilicet Medicinæ, ut

L A B Y R I N T H V S.

dicitur est, & quis sic theoricari uelit, diligenter legat ac perdiscat
 necesse est rectos ac ueros Medicinæ libros, non tantum horum,
 Galeni, Auicennæ, Auerrois, Trusiani, Mesuae, Guidonis, Rogerij,
 & eiusmodi farinæ aliorum, imo principales ac præcipui libri per-
 legendi, isti, quos Deus ipse scripsit: nam sunt correcti, sunt perfe-
 cti, & ab omni errore emendati. Fœlix igitur ille Medicus, qui in
 istis solum uersatur, ac ambulat: ambulat enim in luce, non in te-
 nebris. Non tamen hæc dico, quasi Medicina sola his libris com-
 prehendatur, de quibus nos dicimus, imo, Theologia quoque suos
 libros in Dei Bibliotheca positos, & à Deo scriptos habet, ex qui-
 bus fundatur. Imo nec ulla in arte, perfectio ulla, aut fundamen-
 tum firmum reperiri potest, nisi ex istis libris sumatur, qui ex Dei
 ore processerunt. Cogitur enim Iureconsultus ex his libris de iu-
 stitia sua instrui, & non ex seipso. Nam quicquid in istum Dei li-
 brum non ingreditur, in legem naturæ ingrediatur oportet: ergo
 uel ex lumine naturæ suos libros Iureconsulti sumant, necesse est.
 Sicq; quæ ad Deum pertinent, & quæ ad naturam pertinent, ex
 utrisque simul decerpit ac colligi debent, non ex nosmetipsis. Hoc
 pacto Deus omnipotens in omni arte ac scientia primus Author,
 summus Doctor, perfectus artifex, correctissimus liber, ac textus
 noster existit, ex quo discamus. Deinde glossæ quoque ex illo, quem
 nobis pro summo suo in nos amore, ad diem Parafœuæ misit, pro-
 cedere debent. Non enim Spiritus sanctus, Apostolus solus est &
 Theologus: imo scriptum de eo habemus: Ipse nos de omnibus, re-
 creat instituet ac docebit, Qui enim omnia nouit, & omnia compre-
 hendit, comprehendit quoq; Medicinam, Philosophiam ac Astro-
 nomiam, & ex eo ista omnia discere & haurire poterimus,
 cum absque ipsius doctrina, omnia manca, mor-
 tua ac inutilia sunt.

Nonum

NON V M C A P V T , Q V O M O D O

Medicina inueniri debeat, non per speculationes,
sed per certas ac manifestas demon-
strationes.



V A N D O Q V I D E Migitur Medicina ex cer-
to fundamento procedere debet, quod fundamentum,
non inanis quædam ingenij nostri speculatio sit, sed
certa, manifesta, demonstrativa doctrina: primò scire
debemus: Omnes cęritudines occultas esse: Item Me-
dicinam occultatam esse, & istorum duorum nullum esse, quod ab
homine, agi, aut inueniri queat proprijs viribus, necesse tamen esse
ista omnia agi per sydereum corpus, ut illud sydereum scilicet cor-
pus in naturam penitus introspiciat, penetreretqz, quemadmodum
Sol, uirum aut aqua perlucet ac penetrat. Deinde sciendum quoqz
qua uia ac modo occulta ista effodian tur, eruantur, ac inueniantur,
quæ homini inuisibilia plane sunt. Et uidebimus, quod non alia, nisi
per Magiam, & per eius spesies, ut per Gaballiam, & per Gabalisti-
cam &c. nobis manifestantur: per istas enim scientias, omnia quæ
arcana aut occultata sunt in natura, manifestantur.

Est ergo admodum necesse ac æquum, ut in ipsis Medicus in-
structus ac doctus sit, si minus id, errans ac falsarius Medicus, qui
ad fallacias quād ad ueritatem intentior est, quod etiam recipiat pa-
tet. Nam Magica ars est Anathomia Medicinæ. Quemadmodum
enim lanus bouem suemue mactat, excoriat, scindit, omniaqz tum
intestina, tum cetera membra oculis proponit, ut inspici totus tau-
rus queat, quod antea, dum corio tectus, fieri non poterat: Sic Ma-
gica quoqz omnia corpora Medicinæ anathomisat, in quibus reme-
dia recondita sunt, nobisqz ea quæ insunt, quæqz occulta erant, spe-
ctanda proponit ac exhibet. Et quemadmodum in hominis, aut
alio corpore singula membra bene ordinata ac proportionata sunt,

G ij hoc in

L A B Y R I N T H V S

hoc in dextro, alterum in sinistro latere iacens, hoc maiuscum, alterum minus apparens &c. uti hæc omnia in physica Anathomia ostenduntur: Sic quoq; in herbarum corporibus membra distincta sunt, hoc enim cor, hoc epar, alterum iccur &c. appellatum, sicut in corpore. Non tamen ita hoc, ut quod in herbis cor dicitur, simile sit forma ac effigie hominis cordi, sed quod uirtute, proprietate, efficacia, actione ac passione hominis cordi æquiparatur. Exempli causa. In uento plures sunt uirtutes ac proprietates, unam saltem iam ad propositum, uentus, ponamus, exiccat, nemo tamen oculis uidet, quomodo siccet. Sol calefacit, à nemine tamen animaduertitur, quid id sit quod calefacit, è silice ignis excutitur, nemo tamen ignem in silice agnoscit, nec ad tactum silicis, ignis urit, sic in quolibet corpore, multiplicia membra sunt, unum corpus constituentia, & sic unica herba multiplicis uirtutis sæpe est, ut in Eramento uidere licet, ubi septem membra distincte sunt posita, quemadmodum in homine, cor, renes, stomachus, pulmo &c. non tamen sunt membra, sed eiusmodi proprietates ac uirtutes, quæ talia membra nobis repræsentant, non corporaliter operando, sed uirtualiter agendo, non quæ manibus tanguntur, sed quæ animo cognoscuntur. Sic quoq; in Lunatica repræsentatur cursus ac corpus plenilunij, non tamen uisibiliter, sed spiritualiter. In spiritu enim Medicinæ habitant, non corpore; differunt enim corpus & spiritus, ut palam est. Sic in carabe herba, sunt quædam membra mycrocosmi, scilicet, non tamen corpore, sed in remedij, id est, in spiritualibus.

Quia igitur Medicinæ, quibus ægrotantes sanari debent, us diximus, spiritus sunt, & occultatæ corpori hoc elementato, & à sydereo tamen corpore cognoscuntur, sequitur quod Magica ars sit magistra, præceptrix, ac doctorissa Medicinæ, eorumq; quibus morbos depellimus, non autem Galenus, non Avicenna, aut tales. Et quia sæpius Medicæ artis mentionem feci, tum in his, tum in alijs meis libris, ualde uelim, ut diligentius circa eam uersaremini, quo pacto plane fieret, ut magnum amorem sui in nobis excitaret. Est

M E D I C O R V M .

ret. Est enim omnino diligens , sagax ac sedula omnium nobis occultarum rerum, peruestigatrix ac inuentrix. Quapropter & hoc affirmare ausim , si hanc artem homo Medicus perdidicerit, ac perfecte cognoverit, & si postea omnis Medicinæ iacturam fecerit, & omnes scriptos libros ad medicam facultatem pertinentes casu amissi fuerint, ut sic Medicina tota extincta uideri possit, tamen hoc libro extante, id est, Magica arte adhuc florente, nihil periculi fore: supercesset enim adhuc liber iste tum Medicinæ tum aliarum arcanarum rerum inuentrix , ex quo damnum illud facile resarciretur, Medicinaq; de nouo instauraretur. Est enim, ut supra dictum, Magia artis Medicæ Anathomia ; quæ tamen non id agit, ut membra corporum, lignorum, aut herbarum oculis uidenda nobis propone-ret, quemadmodum illud in corporis Anathomia externa fit, sed quæ uirtutes, proprietates ac uires herbarum nobis intelligendas ac cognoscendas exhibit. Et ista Anathomia inueniendi artes, primo nobis indicat signatum: signans autem signati indicatur per artem Gabiliam, quæ species est magicæ & pars Astronomiæ. Et haec ars inuentrix, non una saltem uia intelligenda est, quasi uno tantum modo inueniat, sed de omnibus Astronomiæ ac donorum specie-bus intelligatur necesse est. Cuius cum multiplicia membra, ac uariæ species sunt, omnes tamen ad Magicam attinent, & simul inuentrices sunt, & expositores, sive interpretes Anathomiae, scientiarum, artium & medicaminum. Sequitur, & necesse est, ut istæ species & membra uisibiles efficiantur, in operatione Astronomica in-ventionis. Nam sicuti Solis ignis uisibilis efficitur per Chrystallum, ignis qui in silice occultatur uisibilis fit ad tactum & concussionem calybis, sic Sol magicus uisibilis redditur, per Chrystallum magi-cum, & ignis magicus excutitur per calybem magicum. Iam igitur ardet Anathomia, & ostendit nobis ignem, spectanda nobis exhibet omnia in quolibet corpore, tam clare tamq; dilucide, ut Solis radij non clariores apparere queant, nec ex silice elapsus ignis, lig-nisq; admotus, fortius uret, aut splendidior appareat. Nam & hię

G in magicum

L A B Y R I N T H V S

magicum lignum incenditur, id est, arcana herbarum incenduntur tanquam ignis, ut uirtus clare appareat, sciaturq; ad quid quodlibet profit.

Iam autem, quam quæso enixe haec tenus conatus est, & quos labores suscepit, quam uarià etiam consilia iniuit, mille artifex ille Sathan, ut hanc Anathomiam hominum ab oculis amoueret, & ex memoria eriperet. Inuenit interim nugas, & nescio quæ superstitiosa deliramenta, quibus etiam magicæ nomen indidit, ista hominibus pro ueris exhibuit, ut sic rectæ magicæ obliuiscerentur, ac nugas incumbenter, fallacijs delectarentur, tempusq; omne quasi fabulis inutilibus transigerent. Sic enim hanc artem oppressit, ut multis annis uix à paucis intellecta fuit, ac pene odiosa effecta. Nouit enim is, quod qui nihil cognouit, nihil amat, & homo planè ignarus, nihil intelligit, & ad nullam rem utilis, negligatur, è contra, qui intelligit, amat, cupit, animaduertit, laborat ac discit. Ab ista igitur cupiditate & auditate, & ab isto inquam amore discendi, egregie nos mille artifex abducit. Nouit enim & hoc de homine, si de his arcans quicquam audierit, quod amore erga ea concepto, non conquiescat nec desinat, donec ea apprehendat, & quod toto pectore, hunc librum, in quo talis thesaurus indicatur amplexurus sit, è contra, si harum scientiarum, ac eiusmodi arcanorum ignarus fuerit, quod otio ac hebetudine denique corruptus, aliud, & peius quidem acturus sit. Quod & uerum comperimus. Quoties enim homo à scientijs alienus est, tunc secundum suam propriam scientiam, id est, secundum hominis affectum, operatur inebriando se, scortando, crapulis incumbendo, ludendo, belligerando, dormiendo &c. Hoc enim certum, & absq; dubio est, qui Deum non cognouit, nec amat eum, nec discit de eo, & qui diuinam trinitatem non intelligit, non credit eam esse, & ideo non diligit, qui Sanctos non nouit, non diligit eos, & qui naturam non perspectam habet, non diligit illam, & in summa, quilibet id non solum non amat, cuius cognitionem non habet, sed etiam fugit, contemnit, nec discendum putat: corpus solummodo

Illummodo externum curat, uentre meq; suum Deum colit, respicitq; quanto plus autem scientia ac cognitio alicuius rei crescit, eo magis amor erga eam augetur. Omnia enim in cognitione iusta sita sunt, omnia ex ea manant, omnesq; boni fructus ex ea ad cognitorem redeunt. Cognitio quoq; fidem dat, qui enim Deum cognouit fidere ei statim incipit, & cuiusq; fides, ut est, talis etiam cognitio, & è cōtra.

Sic in Medicina quoq; quilibet tantum audet, & tantū efficit, quantum antea, in & circa naturam cognouit, qui uero nihil in ea cognouit, nec efficit quicquam, sed quęcunq; egit, sic agit, ac ferme pingit, quasi pictor imaginē pingens, ubi uita & uis nō inest. Et de hoc quomodo scientia magica uisibilis efficiatur, quamuis alibi multis in locis, & hic quoq; ad saturitatem usq;, ut mihi uidetur, dixerim, tamen ut plene à legente intentio & animus meus intelligatur, uisum est breuiter ista repetere, sic scilicet dicendo: Quod artium aliarum, omniūq; adeo occultarū rerū inuentrix magica ars est, decerpta a sumpta ex omniib. specieb. Astronomię. Et quemadmodum magi ab oriente per hanc inuentricem, stella uiam monstrante, Christū puerum inuenierunt, sic quoq; artes, & naturę arcana inueniuntur, quę aliquantulum etiam clarior per hanc artem lucent, quam ullū corpus lucidum. Et cū reges isti magi, Sabę ac Tharsis &c. non dubitarunt, tam longinquo ac difficili itinere, Christum quærere, quin etiam, quāuis longissime remotū, tādem inuenierūt, certe naturae thesaurus multo citius, & minore tū labore tū piculo inueniri potest.

Ab oriente quidem omnia magicae artis principia oriuntur, à Septentrione nihil commodi aut boni nobis nascitur. Vos igit Medici si Medici esse, uestrumq; nomen legitime tueri uelitis, facite id quęlo egregie, iusto modo, dignitate ac reuerentia, non illotis pedibus, suum rapas in agro quarentium more, ad hanc rem ingrediendo. Cogitate uobis cum homine, cum creatura inquam Dei, ita agendum esse, ut profis non obsis, & uti Deus ipse in suo libro de Medicina præcepit, sic caute, pie, sancteq; in omnibus procedendum, uti ipse præcepit, uiamq; ac modum præscriptis.

L A B Y R I N T H V S
DECIMVM CAPVT, DE DE-
cimo libro, Quomodo Medicina à prima materia
ad ultimam perducatur.



V A E L I B E T res crescens, primo absque forma est, in prima sua materia, & pene nihil est, ut in queru, pinu, fago, abiete, & similibus arboribus uidere licet: quæ omnes primo semen tantum, & pene nihil fuerunt, respectu istius, quod nunc sunt, arbores scilicet. Semen autem istud, dum in terram seminatur ac plantatur, quamuis antea exiguum, tamen necesse est, ut in terra prius putrefiat, aliàs enim nihil ex se proferret. In putrefacto igitur, corruptitur omnino, ita quod antea exiguum erat, aliquid tamen, semen nempe, postea nihil fiat, quia nec semen amplius, nec quicquam aliud manet. Ex isto igitur, quia sic semen, exigua res putrefactit ac quasi euanescit, appareat quod ista corruptio ac putrefactio arborum prima materia sit, quæ prima materia ingreditur in generationem, ac formari incipit, & sic arbor ista, primum initium in terra habet, secundum supra terram, & postea supra terram se dividit in uarias formas, sed usq; donec id efficiatur, ad quod tenditur, & quod esse desideratur, arbor scilicet. Nec enim simul statim nascitur omni forma, qua debet esse perfecta: Infantulus quidem perfecta ac absoluta forma in terram nascitur, quamuis iusta quantitas adhuc deest, & crescere eum adhuc oportet, quæ crescentia sit, quemadmodum in alijs è terra procreatibus, indies ab una forma in aliam fieri consuevit. Sic quoq; ut ad propositum redeam, Medicina in herbis, in quibus est, suam originem habet, suum incrementum ac maturitatem sumit, non tamen ita crescit, ut statim perfecta sit, & iustam formam habeat, sed cum forma à primo semine accepta, indies accrescit, donec ad perfectum creuerit. Forma enim eius se in ætates diuidit, & sicuti homo primo natus, ac in cunis uagiens, infans appellatur,

M E D I C O R V M .

pellatur, sic forma quoq; primo in rebus crescentibus, deinde ad alteram ætatem crescit, & puer dicitur, dum incedere potest, nec tamen ad ullam rem gerendam aptus, sic similiter in forma & Medicina, postea robustior fit, & ad omnia gerenda aptior &c. Quæ ætas adolescentia, uel uirilis ætas uocatur. Sic quoq; crescentia indies magis ac magis augmentur, plus indies incrementi sumunt, & uirtute ac forma, semper firmiore existunt, efficiunturq; usq; ad finem. Deinceps autem senectus incipit, ac debilitare uires incipiunt, & sic quemadmodum ex infantulo paruo in adolescentem & uirum egregium quis creuit, sic post adolescentiam decrescit, uiresq; iterū amittit, usq; ad finem, & Medicina quoq; sic crescit, à prima ætate ad medium, à media iterum ad ultimam in suis gradibus, & sic uires uirtutesq; in ea adsunt, crescunt, augmentur, fortissime sunt, ac mox iterum debilitantur. Præterea sciendum, quemadmodum omnes herbae, ac omnia corpora, quibus Medicina inest, formata sunt, sic omnis quoq; Medicina, quæ in corpore est aliquo, secundum illud formata est. Altera forma uisibilis est, illa scilicet in corpore, altera inuisibilis, ut illa in Medicina : una corporalis & elementalis, altera spiritualis ac syderea. Ex quo quoq; colligitur, quod quilibet Medicus herbarium suum spirituale sydereum secum circumferre semper debeat, ut sciat ista syderea Medicina cuius formæ nam sit, sicut hactenus multis exemplis ostensum est. Medicina enim quæ sumitur spiritualiter in sua essentia, quam primum in corpus hominis delata fuerit, in sua forma stat, sicuti Iris in cœlo, aut imago aliqua in speculo, Si igitur pedum formam habet, ad pedes tendit, si manuum, ad manus pergit, si capitis, in capite consistere conatur, Sic de dorso, sic de uentre, corde, iecore, hepate, & alijs membris. Et ut clarius dicam: Finge radicem esie, quæ in sydero suo corpore contineat omnia membra corporis humani, haec igitur radix, si sumitur, in homine sic stat, ut in omnia membrana sibi consimilia, se se diuidat ac effundat, ut caput ad caput, cor ad cor, stomachum ad stomachum applicetur &c. Sic quoq; sanant ubera mulierum, si in potu sumuntur,

L A B Y R I N T H V S

tu sumuntur, quia forma ipsarum est tanquam uberum & mamillatum, & sic semper Medicinæ forma tendit ad membrum sibi conformatum. Sic Dactiletus haustus cancro medetur, quia forma eius cancer est, & in corpus cum uenerit, accommodat se illi membro, uel loco, ubi forma eius requiritur ac desideratur. Nec interim hoc prætereundum est, quod omnes morbi chirurgici, per physicas Medicinas sanari etiam possunt, si physicus inquā, Anathomia essenti aliter intelligit, cuiusmodi physici pauci quidem reperiuntur. Sæpius autem audiui, dum de dirigentibus ac directorijs, id est, de additamento uel augmentatione, siue de duce ac uehiculo, quo Medicinam in locum sibi congruum deducunt, dicerent, quæ ipsa etiam uana, & absq; fundamento sunt. Dicunt Saluiam, Lauendulam, ac Maioranam esse uehicula, siue ducentia ad caput, quæ ita cæteram Medicinam in caput ducunt: quemadmodum dux quidam, ducens aliquem, aut qui uiam alicui uiatori ad ciuitatem forte monstrat, quod equidem minime probo, neq; Medicum est. Non enim sic duci debet ab alio Medicina, imo eiusmodi debebat esse, ut suapte sponte & uirtute formæ suæ, membrum sibi aptum, ac conformatum peteret. Ut ecce, Eufragia habet imaginem & formam oculorum, ex quo colligitur, quod in Medicina sumpta, ad membrum suum se conferat, in membrum, scilicet, suæ formæ, sic, ut Eufragia in oculum transeat, oculusq; quasi uiuus fiat. Quæ iam, quæso, alia Medicina efficiet, & Eufragiam ad oculum ducat inuitam, aut uiam ei commonestret, melius quam ipsa per se nouit: omnia certe membra formas suas habent rebus crescentibus insitas, etiam gemmis, metallis, ac mineralibus &c. & in quocunq; corpore essentia aliqua est, in eodem & forma illa, si essentia illa sumatur, est.

Sic enim natura mycrocosmi istam imaginem in homine ponit, & sic Medicina ad locum sibi aptum ac conuenientem, ultro prouenit. Nam sicut statuarius, lignum rude, ac nondum formatum, in manus sumit, & siue magnum id sit siue paruum, imaginem ex eo, quallem uelit, format ac sculptit: Talis statuarius quoq; est, qui quodlibet

libet corpus in suam formam redigere nouit. Cibus quando sumi-
tur, ipsius forma in ore est, natura autem est in archimijs uirtuti-
bus. Oportet igitur, ut ad quodlibet membrum in homine ducatur.
Quomodo hoc? Recta physica, & rectum naturæ lumen probat,
quod cibus, posteaquam in essentiam suam redactus est, positus sit,
ac stet in forma, quasi imago quedam integra, in toto corpore, que-
libet pars in sua parte, quodlibet membrum in suo membro, & quod-
libet simile in suo simili. Et cum dicitur, homo tibi, sic quoq; uinum
potum, quando peruenit ad suum spiritum, tunc uini spiritus ere-
ctus in corpore nostro stat, uti homo in singulis membris. Ad hunc
modum, & talis omnino Medicina quoq; est. Vbi igitur ægritudo
est, ibi Medicina formam suam, essentiam, ac proprietatem habet.
Hoc itaq; artis est, ut homo spiritualis, essentialis, ac medicinalis in
isto loco, ubi cura est, cognoscatur: est enim homo cancri, homo lu-
pi, homo piscis, homo febris, homo hydropisis, homo profluuij, ho-
mo menstrui, homo uermium &c. & sic omnium membrorum. Me-
dicus igitur ignarus, ubi sydereus iste homo in elementatis cor-
poribus iaceat, omnia contra rectum Medicinæ ordinem agit. Quo-
modo enim fieri potest, ut quælibet Medicina, proprium ducem, ac
uiae monstratorem, uel ut uocant, dirigens, ad quodlibet membrum
habeat. Stultina pota, sanat paneritum ultro, quia forma eius
hoc in loco curam sibi suscipit, quis igitur ductor, aut quod nam du-
cens illud est, quod Medicinam in extreum usq; digiti perducat?
non igitur ducentia, sed formæ duces in Medicina erunt, & illud
ipsum quod tales formæ sunt, ipsa, inquam, formæ similitudo dux-
erit, sic enim rectè procedetur, & sic recte Medicina paratur. Alter
autem medendi modus anilis est, simplex ac piger, qui parum artis
in se habet, & parum artis parumq; laboris desiderat, ex scriptis &
chartaceis libris facile colligitur, non ex recto ac p̄incipali libro
sumitur. Hoc enim uere est Medicinam scire, ut sciatur, quomodo
ex prima materia ad ultimam perueniet, & cōdūcum uenerit, quomo-
do spiritus efficiatur omni formæ aptus, quales in elementato cor-

L A B Y R I N T H V S

pore formæ esse solent. In ista forma spiritus sunt ac iacent arcana & magnalia Medicinæ, in ista inquam, uera scientia iacet. Hæ imagines & formæ, de quibus dicimus, quæri ac inueniri debent per supra dictam inuentricem magicam artem, de qua superior & quartus liber nos docet. Archeus enim naturæ hunc spiritum in formam suam ordinat, cum dispositione ac diuisione omnium arcanorum, quæ in ipso sunt, aut esse debent.

Sic & hoc modo Anathomia medicaminum inueniri debet, non in compositis, non in communibus, non in directoribus ac diligentibus. Sic etenim omnia in natura nostræ congrue ordinata ac disposita sunt in formam spiritualem, ut uix tute ingenio tuo melius, aut conuenientius disponere credo queas, neq; tuo labore adeo opus est, iam enim inuentum ac dispositum est à natura, nihilq; superest, nisi Alchimia adiuuetur, quæ diuidat, ac species discernat. Et igitur antea admonuimus, ut proprietatem membrorum ac fortunârum communium penitus cognoscas, quo facto, meritò de Medica arte gloriari & meritò tuam scientiam attollere laudare eq; poteris. Animaduerte solummodo rem sic, in tali exemplo pono. Dicit quispiam, hoc constrictuum est, nescit tamen ille bonus uir Medicus, quomodo aut ubi constringat: multum enim interest inter constringere & constrictuum, cum aliter constringatur dissenteria, aliter lienteria, aliter uomitiua fiant, aliter urinæ prouocatiua, aliter menstruorum, & sic de omnibus intelligendo. Necesse etenim est, ut à sola forma ac imagine nobis indicatur, ut ubi uirtus constrictua posita est, ibi id constringat. Sic igitur dicimus: hoc incarnatum est, nescis tamen ubi. Aliud enim est consolida lupi, aliud est omeni, aliud cncri, aliud fistulae &c. Igitur ars, quæ signata dicitur, quoq; apud Medicum esse debebat, certa ac cognita: Signatum enim nobis locum inuidicat, locus autem paupertatem, miseriam ac necessitatem ostendit, & ista necessitas per inuentricem nostram inuenit.

V N D E C I M U M C A P V T , E T
 est liber de morborum generatione ex uera atq;
 genuina Philosophiæ cognitione.

SV P E R E S T unum adhuc declaracione dignissimum, nempe de cognitione morborum, secundum Philosophorum sententiam. Est itaq; nobis omnibus prospectum, quatuor humores à ueteribus Medicis traditos iuxta Philosophorum relationem esse, qui ini-
 quiunt, omnes morbos ab ipsis oriri, & inde initium sumere. Quo
 fit ut ueram originem morbi amittant, & non recordantur, hoc est
 seminis, ex quo omnes morbi generantur. Nec mirum est, scio equi-
 dem hominem esse mycrocosmū, propterea necesse est, ut in se qua-
 tuor elementa habeat, quos ipsi humores appellant, quamvis signi-
 ficantius esset, ut elementorum nomen seruaretur. Daret enim ple-
 niorem intellectum, sed tamen propter nomen non opus est multis
 uerbis. Cæterum ut planius me intelligatis, & hic liber in opus redi-
 gatur, animaduertendum est, quid istud exemplum nobis designat,
 dum quatuor humores sint quatuor elementa, unde consequens est
 eundem esse in humoribus & elementis intellectum. Vobis itaque
 haud dubie cognitum est elementa nihil operari, solum autem con-
 cipere, Quemadmodum mulier sine aliquo uiro non imprægnatur,
 ita elementa ut fœminæ fœcunda fiunt à suo uiro, hoc est, à summo
 Vulcano, ut exemplum declarat: Pomum è suo semine crescit, quod
 semen est pomum, & sperma Vulcani. In his autem elementis con-
 cipit matricem, ex qua accipit suum nutrimentum, substantiam,
 formam, & totam uitam, & huc peruenire potest, ut id quod fieri
 debet, fiat, secundum suum finem & prædestinationem, quemadmo-
 dum infans perfectè à matre nascitur, ita hæc elementa non sunt
 morborum causa, sed semen, quod in eos coniçitur, ita elementa
 non sunt causa morborum, sed semen quod seritur in ipsa, atque in

L A B Y R I N T H V S

hisdem radices agit, in suam finalem naturam & materiam, è quibus & nos prouenimus, ita morbi quoq; causantur, & id quod prouenit est morbus ipse. Cognitus morbum ita ut arborem cognoscat, ea forma, arbor profert poma, pyra, nuces &c. talis est etiam differentia inter morbos. Ita cognoscendi sunt morbi, è natura seminis, & non ex humoribus, quamvis infans è matre nascatur, tamen pater est causa efficiens. Ad hoc, quis concluderet, uel concederet morbos esse inquirendos ex humoribus, & humores causam morborum asserere: quum tamen aliud est mater, aliud est infans à matre æditus. Fingamus matrem habere morbum ab infante diuersum, quis est, qui uelit morbum infantis in matre indagare, qui morbus solum in infante est: nam infans nunc à matre auulsus est, ut quiuis dubium obijcere possit, matrem & infantem eodem morbo correptos esse, tamen unum ab altero seiuinctum est, sic etiam morbus in eo in quo est investigari deberet, & si quis diceret: Cum tu elementa matris loco constituis, & matres etiam morbo grauantur, sic & elementa, ex hoc sequitur humorum esse causam morbi. Hoc ita intelligendum est, matrem etiam fructum produxisse è sua matre, quemadmodum infans ex illa. Sed in hoc differunt mater & elementum, nam elementa non sunt fructus, sed ut mater ad concipiendum. Quomodo potest igitur Medicus dicere morbos esse elementales, & quum elementum tollat, etiam morbum sustulisse credat.

Si Medicus hic incipit, ubi Philosophus desinat, rem ut melius consideret oportet: nam omnis Philosophia sic docet Medicum incipere, quomodo dicere potest pomum è terra prouenisse, cum tamen è semine nascatur. Hinc consequens est, ut si cum Medicina auferre humorum uoluerit, fieri commode potest, ægrototo posse subueniri, eo tamen pacto, ut si mater remoueat etiam infans una cum ea auferatur, matrèq; itaq; sublata, corpus suum elementum amittit, & mortuum est. Vnde ex practicis illorum sequitur ægrotorum mors, & sanitatis corruptio. Nullo enim modo corpus suo corporali elemento priuandum est &c. Deniq; animaduertendum est, quām rectam &

M E D I C O R V M.

rectam & facilem declarat Philosophia uiam, in eo, quod cognoscimus elementa esse matris corpus ad concipiendum semen, & ad datum semini nutrimentum & alimentum. Quis igitur est adeo imperitus, qui Medicina uitens, non intelligere Philosophiam uelit. Nam Medicus scire debet nomen indigne habere sine Philosophiae cognitione. Hoc tamen concedo, quod unumquodqz semen in se contineat tinturam uel impressionem suam, ex quo sequitur, quod elementa aliquam alterationem & mutationem consequantur : quod autem elementum ob id deberet esse causa morbi, non concedo, sed quemadmodum pannus ab externo colore coloratur, inficitur, ita & in elementis & semine fit. Si quis itaqz colorem à panno segregare ita bene cognouerit, ut pannus in primum colorem redeat, ille periculum faciat. Verbi gratia, In Istericia qui hanc tinturam auferre potest, is semen, ex quo tintura facta est, remouit, hoc pacto corpus in pristinum restituit colorem, color enim non à corpore, sed ex alieno semine prouenit. Præterea de corruptione hoc quoqz notandum est, ut si quis diceret, de corrupto aëre, de putrida aqua &c. quod ex huiusmodi corruptione suboriri morbi possunt, id non inficiamur, sed ea tamen lege. Totum enim non corruptitur, nisi prius semen corruptionem conceperit, Iam ex hoc patet : Semen corrumpere & aliud morborum genus generare, corruptit corpus, sicuti aqua fortis è sale & nitro secundum artem distilata, ferrum frangit. Cum itaqz istud semen tollitur, corruptio etiam tollitur, Exempli causa : Ex stercore nascuntur uermes &c. non quod stercus in uermes se uertat, sed semen in stercore fit, ex quo uermes generantur per Vulcani digestionem & caliditatem, ita uermis differt à stercore equino, si uermis esset stercus, nihil plane ab eo differet, Verum cum nulla similitudo in eo est, necesse est, ut aliam habeat generationem ex qua nascitur. Vua habet semen, quod est uini, unde nascitur uinum, non è semine ex quo lignum crescit. Semen ex quo lignum crescit, uideri & tangi potest, semen uero ex quo uinum fit, uideri non potest, utraqz tamen inseparabilia sunt, quemadmodum cor-

L A B Y R I N T H V S

dum corpus & anima. Exinde eliciendum est, quum in semine rotum negotium sit positum, in primis det operam Medicus, ut semen cognoscere perditcat, quo posuit contra semen Medicinam parare. Scire itaqz, ut suprà dictum est, debent, duo genera seminis esse, ut semen iliastrum & semen cagastrum, hoc est, aut ab origine semen productum est, ut poma, pyra, nuces, tunc iliastrum dicitur, aut ex corruptione, quod cagastrum appellatur. Iliastri enim morbi sunt, Hydropisis, Ictericia, Podagra &c. Morbi autem cagastris sunt, Pests, Febres, Pleuresis. Ille error Medicinæ est inextricabilis (quem Labyrinthum vocamus) in quo sic aberratum est, ut non pauci uitam amiserint. Si esset error sine periculo, tolerabilius esset. Nunc uero, quum tot secula Labyrinthus ille perdurauerit, ut interim silentio inuoluam ea, quæ breuitatis causa non dici possunt, nempe, quod omnes ordinationes, & repertæ (ut uulgo dicunt) medicinarum, quæ non ordinantur contra semen morbi, adulterinæ & inutiles sunt. Postremo notabitis qui fiat ut morbi indies augeantur, quod si uultis planius intelligere, Philosophiam scrutamini, quæ uos docet intelligere & cognoscere, qualiter lignum, gramen & id genus alia crescunt, nonne è semine? maxime. Quum igitur omnia è semine nascuntur, & morbus quoqz è semine generatur, probari potest, Vnum ab altero in generatione nihil differre. Quum ita series habeat, quid inanem operam impenditis in morbis describendis omnis naturalis Philosophiae expertes & ignari? Quomodo potest igitur Medicus incipere, ubi Philosophus desinat, si uero hic inchoauerit, ubi desinit Philosophus, desinit autem in lumine naturæ maiori. At uos sic in mundo minori doctrinam rectam dirigatis sicut Philosophus in mycrocosmo, tunc potestis quemlibet morbum cognoscere. Quemadmodum colonus arbores, earumqz morbos, quibus mederi studet, ruri cognitos habet, ita & Philosophus: & ut colonus arborem securi succidit, in quo semen fuit, istud semen esse, desinit, & quo minus in semine est, tanto magis à semine distat, & ut clementia inter se diuiduntur, ita etiam in corpore se diuidunt. Nam.

& alia

M E D I C O R V M.

& alia mater, quæ aqua est, ad quam Philosophia fontium pertinet,
 & alia mater est terra, ad quam Philosophia crescentium pertinet
 &c. sic ea cum alijs elementis, & ita ea Vulcanus in maiori & minori
 mundo cognosci debet, tunc Labyrinthus hic locum non habebit,
 & genuinum totius Medicinæ fundamentum in lucem reducere-
 tur. Quare è Medici rem diligentius perpendite, ne dicatis hoc ex
 Galeno præceptis, & è Aucenna collectum esse. Sed uerum fatemi-
 ni, quid deceat uos esse, olim ita erat, nunc longe diuersum est, non
 amplius imponere hominibus licitum est, sed uigilantioribus oculis
 obseruandum erit, & non sequamini eos, sed meliores potius am-
 plectamini, quām nobis ob oculos ponunt. Nec eorum scripta
 Euangelium est, ut contra salutem animæ sint custodienda, lumen
 naturæ optime operatum est suo tempore, sed contra naturam il-
 lud peruerunt. Quæ tamen sydera fœlicia possunt in ignauo & stu-
 to homine aliquid boni producere, si peruersus est, etiam lumen na-
 turæ inuertit. Quare primum querite regnum Dei, & plura his
 omnibus facietis, ne desperetis de Christi summi omnium rerum
 Medici benignitate. Nam si cum & proximum dilexerimus, cætera
 quibus indigemus, affatim largientur. Sed otio torpere & dilectio-
 nis obliuisci, etiam ea quæ possidemus, auferentur. Enimuero in
 horrendo ultimi diei iuditio ad Medicos multos dicet: Ite maledicti
 in gehennam ignis, quando me ægrotum consolati estis, cum uestra
 Medicina. Vos illud, quod meum erat surripuitis & non subueni-
 stis, deseruistis Deum uerum, & nihil ab eo didicistis, neq; discere pe-
 tiistis, quæsivistis thesaurum uestrum in terris & non in celis, &
 mea opera in natura non perscrutati estis, ut Medicum decet, sed
 oscitanter egistis, oscitantes euauistis. Quare oculos aperite, ut
 cum hoc lumen uideatis, & illuminati resipiscatis.

Hæc omnia, ut uidistis capita, quæ Medicinæ libros, quomodo
 queri debeat, ubi inueniri ac duci queat, indicant: non potui non
 conscribere, & ad utilitatem quorundam, uere Medicinam amanti-
 um, in lucem emittere, eam præsertim qd causam, quod uideo tam-

I. multos

L A B Y R I N T H V S

multos hanc prouinciam subire de Medicina discenda, scribendi & de qualibet cura tractandi, quamuis id quidem infelicitate & magno cum periculo ac damno multorum faciunt. Nam per deos immortales, quæ ista est amentia quæue suprema potius malitia, isti rei, ubi de periculo ac uita hominis agitur, inconsulte ac imprudenter se immiscere, eamq; alios etiam docere & quis furor & aut quæ insania in homine, ut ista tractare uelit, quorum tractatio, nisi cogitanter & cum consilio suscipiatur, multis damnosa, ac ualde perniciosa futura sit & quæ deniq; cæcitas in suprema ac periculosissima scientia elaborare uelle, dum tamen id absq; omni fundamento, ueritatisq; adminiculo agas. Sane etenim isti, dum rectum Medicinæ fontem ignorant, dum in tenebris oberrant, nec certi quicquam de Medicina unquam didicerunt, tamen interim opiniones, ac fantasias necio quas comminiscuntur, quibus Medicinam fundant, in quibus etiam curam suam ac practicam ponunt. Certum hoc quidem est, fundamenta ac principia istorum incerta infirmaq; esse, quomodo igitur medium & finis certus erit? Non certe commodum est, nec artis adeo, sic curam aliquam suscipere, & sic in Medicina nobilissima scientia uersari, mero errore, meris nugis ac fabulis, nullo ante fundamento posito, nullaq; ueritate quæsita. Imo, quia Medicina alijs & iustioribus fundamentis nititur quam ipsorum, ut diximus nugis, æquum potius uidebatur, ac necesse etiam, ut Medicinæ dediti istud fundamentum quærerent, recte Medicinam inciperent ac iustis initij; eam adorarentur. Habemus ipsisssimum, ut sic loquar fontem Medicinæ artis in libris à Deo opt. max. scriptis ac æditis, quorum scriptura nunquam certe nos falleat, & in ipsis incepta Medicina, nequaquam incerta erit. Cur igitur hac certa scientia neglecta, & iusto fonte contempto, ultro tenebras amamus, ultro erroribus nos intricamus? aut cur quæsto tam impudentes esse uelimus, ut recto libro contempto ac lacerato, qui uel paruo labore adisci poterat, in alios libros omnibus nugis refertos, magno cum labore incumbimus? Sed sic fieri solet plerumq; in mundo, ut homines iniusta

nes iniusta pro iustis magis amplectantur, deteriora optimis præferant, inutilia magis quam uere utilia ament. Fœlix igitur iste homo merito putandus erit, qui neglectis hominum friuolis fantasij, speculationibus, ac propria ratione inuentis, excogitatis fabulis, ueritate contentus est, & per uiam à Deo præscriptam ad scientiam pergit. Satis omnia clare à Deo exposita sunt, aliorum in compilandis uoluminibus opera minime indigemus, modo librum, quem ex naturæ lumine scriptum habemus, recte contemplamur, & paruum abiecto textu glossam addamus, ut suprà ostendimus. Sat id ad eruditionem perfectam erit, satis tuti in practica, ac omni curione erimus. Tum enim est Deo fidere, & Deo qui fudit, haud facile in labyrinthum incidet, nec ægrotantes suos necabit, perdetue. Et hæc de Labyrintho Medicorum errantium, ac recto Medicinæ usu, errorisq; explicatione, paucis scribere necessarium mihi uisum est, ut sic in errore uersantes Medici citius exeant, & nondum ingressi, diligenter, ne incident, præcaucent. Quæ candidus Lector æquo animo accipiet spero : erroneus autem Medicus, minus mirabitur, si in posterum forte audierit, alia ad Medicinam uia opus est, quam

Labyrintho communi, & fœliciores circa Medicinam futuros, qui contemptis ueteribus nugis ac caliginoso labyrinthi errore, lumen naturæ ducem sequitur.

Laus Deo.

AD LECTOREM.

DIALOGVS FE=

STIVVS, IN QVO MEDICASTER

quidam à Philosopho de mala medendi ratione, coram
Prætore postulatur, multiplicibusq; erroribus conuincit-
tur. Licet Medicaster se se pro viribus purget, obiectaç;
utinç; refellat, nihilominus ipse per Prætorem ex suf-
fragijs omnium tribuum reus mortis pronunciatur;

quem si legeris non poteris non fauere au-
ctori, qui pestem tam saeuam tamq;
perniciosa m̄ medio su-
stulerit,

Dialogus



